

歐

北

集

騷北集卷三十一

起丁未至戊申二月

陽湖 趙翼 耘菴

去歲袁子才自武夷歸以勝遊誇於余不覺見獵心喜適制府欽齋李公以兵事入閩過常州邀余偕往遂襆被從行先以詩報武夷

故人誇武夷使我勇欲買忽逢旌麾過邀我遊閩土嗜欲開必先黃色上睂宇遂作蠅附驥路指江郎浦人間好山水鬱久奇必吐湖湘吟靈均已蜀詠杜甫嶺外韓柳蘇發泄亦十五獨茲騷越地寂寞自太古人地每相待此事默有主或者生面開俟我作初祖所慚才思弱難扶秘靈府維時方軍興航海破螳斧好掃雞毛筆速

擅人皮鼓事定早蠟屐慢亭訪仙羽一笑古錦囊中有
賓雲譜

賦呈李制府

忽隨使節別江村爲掃閩南瘴霧昏
朝倚重臣威海國我慚高士入軍門
筆無草檄新才思刀有征蠻舊血痕
莫笑掛冠翻入幕報師恩卽報

君恩

滄波一島起蚍蜉牽動東征萬斛舟
盜藪故多陳弔眼軍諮何藉賈長頭
揚帆風信催犀甲傳箭威聲壓蜃樓
誰道書生無膽力也思搖筆殺狂酋

忍堅卻聘臥江臯知己生平不易遭
萬里寒暄懷袖字

公在滇南及蘭州皆有書見寄

八騶臨訪駐郊旌尙慚老秃難磨盾敢說英雄在捉刀憑仗臨淮平賊早歸程要踏武夷高

十載

十載江湖穩釣舟忽叅戎幕佐軍籌人疑白首何輕出我爲青山未遍遊野店客魂雞膈膊殊方蠻語鳥鞞鞣憑添一卷閩南草翠壁題名處處畱

途中雜詩

簑笠寒江自刺篙羽書曾不到蓬蒿不知辛謫關何事慷慨輕身赴杜悆

生平曾笑文長老高士翻叅幕府軍今日侯門彈鋏去有人又誦北山文

遙憶山茶曲檻前此時繁蕊放紅嫣正開花候身偏出
天爲先生省酒錢

百尺荒祠俯綠澗客星遺跡尙崔嵬出山恐被嚴陵笑
連夜催船過釣臺

隔歲無端動遠思此行亦似有前期可應天欠詩人債
遊武夷山喫荔支

仙霞嶺

地媼不甘卑突起聳天半四山積鐵黑陡削千尺岸何
年通往來綫路入穹漢閩越此肩鑰界畫天所判初從
井底升盤旋劣容駢馬蹄石迸火人顙笠雨汗曲磴萬
級梯喬松百等嶺漸躡罡風顛羣喘作雲渙屹然見雉

堞橫鎖兩崖斷扼隘成絕險石角露精悍信哉形勝地
一夫劒可按古來割據幾往往藉擻扞寶應及審知乘
時劃疆畔翻疑天設險徒爲人長亂不知鴻濛初胡創
此危仄我來值承平途已列闔閭緬惟國初時遺孽
尙潛竄開門有降將省折槍半段國初取閩卿芝龍早有降意仙霞關不留一兵故大兵得長驅
入强藩繼鴟張欲取浙潮盟老樵當道臥終摧賊矛鍛
耿逆之變李武定兵扼此關賊不得出事往父老稀時清風景換重閉念勇夫
俯仰一揮翰

漁梁驛韓蘄王擒劉正彥處也

地險漁梁驛狂酋此擁師雖非大敵勇正值小朝危一
戰無遺寇偏安有始基江流千尺岸故跡令人思

建陽市謝疊山賣卜處

出亡悲故國忍死爲衰親托業重三卦埋名陽九辰滄
桑爻象變薇蕨課錢貧始覺成都市垂簾是幸人

延津

昔聞雷煥劒延津化龍去我行至其地灘險矗灩澦安
得驪領珠但有石齒鋸乃知帶劒客舟壞失柵具幻語
托神奇謂合雌雄翫柰何盡信書引爲干鏌據公案又
一重刻舟求故處

王審知墓

在福建布政使署
後相傳尙有神異

行省牆邊古木蒼相傳此地葬名王兄終弟及曾三世
道寡稱孤自一方武帳未聞金鳳貯幽宮應少玉魚藏

如何國土全拋後尙有英魂護斧堂

萬安橋畔有夏將軍廟卽傳奇所稱入海投文之
醉隸夏得海也事見明史蔡錫傳中戲書其事
於壁

堂上方呼下得海小吏應聲某斯在遂令賁檄赴海投
官已簽名不可改歸來先學鯨吸川一口直欲乾渤海
黑風任墮毒龍國白浪何須水犀鎧正潮來處企脚眠
蹺出劉唐尺八腿是人非人鬼非鬼巡洋夜叉見而駭
急白鱗堂廣利王有个糟豚可作醢豈知明神助利涉
特作報章答守宰乘酒而出得醋還酉月廿一址堪壘
遂成鼉梁亘萬丈雄跨鯨浦屹千載蔡公祠旁嚴像設

易換頭銜發光彩生爲賤隸死將軍血食不愁若敖餒
始知要立人間名總須拚命死不悔

李公欲奏余再起入官敬辭誌意

久慣鄉閭款段遊多煩高誼勸鳴騶受恩終被人穿鼻
垂老羞爲妓上頭此客只宜吹鐵笛有人早已卜金甌
挑燈自顧顏唐影古井如何再起漚

海上望臺灣

極目滄溟浪接天中藏掌大一山川當年曾比田橫島
舊爲海道鄭成功所據今日重煩楊僕船颶力吼來風有母妖氛掃
去水無仙用孫恩事臨流遠想熊津督曾被周畱定海堦

弔湯緯堂殉難鳳山

一官海外正班春，伏莽無端起劫塵。
絕徼巖疆城守責，名場詞客陣亡身。
民皆相率登陴哭，賊亦羣驚按劍瞋。
挺劍殺賊而死定有他年樂社祭，傳芭曲裏送迎神。

訟堂閒處富吟箋，不有才傳以節傳。
宦遠似飄羅刹國，魂歸好附賈胡船。
生前詩有題襟集，君集近人句作詩話數卷身後家無負郭田。
漫讀孝經堪退賊，可憐兒死父屍邊。
長君荀業從死

盆蘭

盆蘭滿把手，親栽曉起驚。
看一箭開不坐花，南坐花北爲他風片自南來。

食荔支

百顆新登市，無煩驛騎馳。
肌膚姑射白，風味玉環肥。
頓

覺清芬溢先令暑氣微老夫情不禁爲脫絳羅衣

自泉州至漳州道中作

聞遊未訪武夷君先踏泉南瘴海雲添得生平蛇一足
白頭出作老叅軍

曾讀冬郎艷體詩飄零遺跡最堪思夕陽荒草南安路

何處空山訪墓碑

韓偓流寓
南安有墓

不信澆田仗井泉汲竿懸斗似秋千一田一井禾都灌
此是閩南古井田

斲來山石百牛拖鐫刻精嚴莫不磨碑碣滿途坊滿市
此邦人尙愛名多

高髻雙盤結束新擬將百琲買橫陳只愁枕上無重譯

夜半誰來作舌人

堠館殘燈送馬蹄一弦海月出猶低十年高臥山中客
重聽荒郵半夜雞

廿里郵籤一歇鞍綠瓜丹荔已盈盤莫嫌喝道遊山俗
畢竟遊山也仗官

戲本所演八仙不知起於何時按王氏續文獻通
考及胡氏筆叢俱有辨論則前明已有之蓋演
自元時也沙溪旅館有繪圖成軸而題詩於上
者詞不雅馴因改書數語於後

何人學作王老志刻召鬼神示遊戲把他多少古仙人
亂點鴛鴦集冠帔韓湘張果呂洞賓此外載籍無其人

由來化城本荒幻何必捫籥求其真天下都散漢竟作
時代看鐵拐無姓李或言劉跛子趙家外戚傳不聞曹
佾能脩煉藍衫老采和丈夫忽變爲嬌娥又况何姑愛
酬答偏與羣真坐聯榻仙家想是無凡心不妨男女相
混雜舞衣今作畫圖傳此輩猶爲有漏禪少年狡獪非
我事舉手自拍洪崖肩

卽景

筍輿鴉輶海天東訝許殊方景不同榕樹蔭門人面綠
山泥范瓦屋鱗紅閒酬知己聊償諾老作叅軍豈俸功
鄉國故人應共笑江南六月有荷風

啖荔戲書

昔啖荔支在南粵食不知味爲忙碌老來忽作閩南遊
天補此翁饒口福端陽纔過初嘗新酸澁猶教舌本縮
一日一變到圓滿百顆堆盤紅蔕蔕甘夫人臥絳紗中
一擘驚看白如玉豐腴應笑只識酥鮮潔兼令不思肉
就中一種更尤物核小而尖誰結束魴魚無刺蟹無甲
快事乃在佳果熟乳軟不煩齧敵勞蜜割兼徹中邊複
托根豈植沒骨山結實偏彷彿虚心竹始信人間有絕品
椰酒蔗漿總凡木楊梅幸出半月前不與同時入市鬻
趙家姊妹將入宮婕妤好早避長門宿龍眼在旁也狡黠
故緩登場暫退伏玉環去後無美人如仙媛亦伴幽獨
只有李桃不自量正用此時綻如璫自恃猶思邢尹爭

相形已覺與臺辱老夫日翻君謨譜品題直到江家綠
彈圓箏橋次第嘗擬彷彿前賢增手錄人情最愛側生兒
忽引鄉思頓撥觸

同安道中遇雨

尊山阮孚自蠟屐因人作遊本非策我行夜過漳南道
邪許人多虎無迹一燈遠店紅有光千樹深林黑無隙
曉色夜色兩相迸此段清暉最可惜不知是烟還是海
但覺茫茫一片白少焉日氣蒸霧來熱逼鬚眉不可隔
方延朝爽興攀帷已炙午歛衣透綌風聲雨聲山欲坼
水帶泥流滿溝亦直疑中有蛟龍鬪湧出空山血盈尺
是時老夫心膽裂本欲快遊翻受嚇惹他旁觀笑何苦

垂老翻爲瘴鄉客

漳州木棉菴懷古

快事千秋一拉脅我爲天下殺此賊木棉花底血流紅
血紅花紅共一色憶昔平章正少年夜遊燈火滿湖邊
門高戚里連宮掖朝倚長城奠海堦勲名蓋世誇援鄂
暗許金縢有成約歸去翻矜却敵功福華一部書韜畧
正當北國造基忙留得南朝處堂樂是時黃閣倚天開
葛嶺初陽改舊臺五日都堂班絕席百僚文案稟鈞裁
買田供饋邊軍費增餼牢籠太學才多寶閣成晨躡屐
半閒堂靜夜傳杯威行玉帶重泉取權効金輿大祀回
以去要君天子拜暫歸葬母太皇催廿載湖山紛綺繡

不堪砲打襄陽透圍城久絕虬蟬援相府方酣蟋蟀關
事急倉皇再出師橫江戰敗難遮覆潰兵旗亂喚誰膺
逃將舟迴呼不救昔人曾恥言和議謂是偷安無志氣
到此翻思秦會之乞和未必非長計早知諾責召鄰兵
悔不盟書輸歲幣有詔師臣誤國謀山陰小吏正懷讎
願充押伴炎方去狹路相逢南劍州捧詔來呼買團練
巾車去蓋無呵殿杭歌嘲客夾途多問檄逐人傳帖徧
已問吳潛何故來况堪葉李重相見當年意氣壓公卿
今日仰看丞尉面黯黯江清不肯投猶恃國恩延一線
漳寺喬柯蔭碧穹老拳於此逞英雄雖輸王著揮椎早
已勝施全刺刃空笑指木棉花樹下破銅山賊有奇功

可憐此樹無端辱長使遊人訪遺躅一樣投荒故相來
累儂不作萊公竹著花亦將呼醜枝息陰或更比惡木
風聲夜半似號冤老樹精啼非鬼哭

龍溪曉行

暑行貪早涼趁此月初吐四更呼筍輿殘燈猶在廡出
門得清曠霽色淡天宇微風爽將發繁星朗可數雖帶
殘夢來不忍作蝶翅是時正東征軍書趣旁午兼當插
秧候四野尙焦土田間圻疆兆海上撾鼙鼓老夫雖局
外觸緒亦縷縷願兵多殺賊怕天少下雨

廈門水師提督署昔靖海侯施襄壯公

現駐師地

也公平金廈兩島及臺灣後鎮此凡十餘年署

後有涵園公所手闢余來登覽慨然想見其爲
人因賦二詩

手縛孫盧奠海疆將軍故跡有南塘功逾浪泊飛鳶水
地是安陽畫錦堂公本吳人潮氣濛濛浮島嶼風聲獵獵集帆
檣名園留得登臨勝誰識當年百戰塲

亭館猶傳建閣遺英風彷彿颺靈旗成圍柳是將軍樹
懸榜書成叔子碑公手書匾額存人物百年如未遠功名一代有
餘思我來正值東征亟慨想龍驤奏凱時

海上

極目蒼茫水接空兵氛遙指海天東人油作炬燃宵黑
魚眼如星射浪紅炎徼無村非瘴癘戰塲有鬼是英雄

紛紛伏莽何時定翹望征南矍鑠翁

戲書

偶得詩一句健忘忽失却翻去問旁人增他一笑矇

諸羅守城歌

上以諸羅士民力守孤城特改縣名嘉義以示獎勵今仍舊名者守城時尚未改名也

諸羅城萬賊攻士民堅守齊効忠邑小無城只籬落衆
志相結成垣墉浸尋百日賊益誼環數十里屯蟻蜂援
師三番不得進山頭連夕惟傳烽是時矛戟脩羅宮陣

爲天魔車呂公

賊用枋車來攻爲砲擊碎

吼聲轟雷震遙岳噓氣滃霧

迷高穹孤軍力支重圍中草根樹皮枯腸充翔飛鳥雀
不敢下恐被羅取爲朝饗裏瘡忍餓猶折衝壯膽寧煩
蜜翁翁百步以外不遙拒待其十步方交鋒一砲打成

血衝衝尺腿寸臂飛滿空
戈頭日落更夜戰萬枝炬火
連天紅何當范羌拔耿恭赴援艦已排黃龍會有長風
起西北揚帆直達滄溟東

擬老杜諸將五首

炎海冥冥瘴未收
赤嵌城畔又經秋
閨人夢去飄羅刹
野鬼魂歸哭髑髏
百道舳艫催轉粟
連營刁斗警傳籌
挑燈閒看平臺記
七日成功想故侯

絕島桑麻久太平
僑居人總買田耕
但存清吏埋義節
那有奸民歌血盟
諧價苞苴官判牘
曼聲絲肉妓傳觥
釀成一片塗膏地
太息憑誰問主名

提兵驚島發義舸
家世通侯鎮海波
韜略可施何太緩

萑苻初起本無多，懸軍翻慮爲猿鶴。
列陣徒聞彷彿鵝，自是軍謀要持重。
幾時聽奏凱旋歌。

易將應看賊首函，到營又似勒枚銜。
翻疑充國屯田守，豈有辛毗杖節監臥甲。
征夫聽夜柝，搗砧思婦寄秋衫。
祭風臺畔檣烏轉，枉費催開海舶帆。

衆志成城百戰場，直同疏勒守危疆。
登陴慷慨三通鼓，搏賊創殘半段槍。
甲鎧煮來聊作食，蠟丸書罷不成章。
阿誰遣送吹簫姬，吹散重圍萬堵牆。

鷺島大風卽事

海聲連日吼颶母，發狂颺信有水皆立。
兼疑山亦搖樓船，依古嶼烽火隔秋潮。
安得鞭驅石排成萬里橋。

移寓玉屏書院作

武夷遊未成先遍鷺門境
涵園住連旬復遷玉屏嶺
樓閣依巖轉屈盤斜不整
聊喜佔地高立脚萬人頂
俯瞰爨烟浮了了見閩井
百雉難目遮四山與身等
蒼茫潯尾海一掬水在皿
齋前榕三株密葉蔽日景
林木何與人愛此濃綠影
披襟得晏坐豁落意界迴
已覺炎瘴消轉嫌風力猛
離地纔幾丈便逼霄漢冷
始知天非高再上頭必打
夜深燈火明蟄鼓映牕耿
下方遙望處疑有紅粧靚
誰知白髮翁攤書寸燭炳

颶風歌

昔聞海風颶最大我今遇之鷺門解
誰將噫氣閉土囊

一噴咽喉不可撻。薩薩萬鼓排陣來。羣木盡作低頭拜。
鬱怒似有塊磊填。憤盈直覺虛空隘。鬼魔掀動天擺摩。
虎豹吼裂山破壞。立脚雖穩尙愁倒。對面相呼只如贖。
可憐鸛鵲亦不飛。恐被狂出青天外。是時習流千戰懼。
眼望赤嵌不得到。恨煞海神亦小人。借勢作威逞凶暴。
湧浪上薄浮空雲。濺沫橫轟發機礮。盡排鷁首柁杙牢。
猶自終宵驚簸掉。風名颶母應雌風。胡爲更比雄風雄。
想從少女封姨後。老作陰怪多神通。多神通何不吹轉。
颶向東。不然竟刮海水竭。平步可達扶桑紅。吾當綠章。
上箋奏俾爾配食天妃宮。

咏古

繡遍瑤臺綠字函五銖衣換茜羅衫杜蘭香本仙家女
一點春心便謫凡

滌器空羈作賦才凌雲一薦入蓬萊遭逢莫怪臨邛幸
犬子原須狗監推

英聲軼里亘千春只解酬恩不擇人何物韓嚴甘爲死
可憐輕擲不貲身

閒翻青史幾悲涼功罪千秋少尺量讀到曲端呼鐵象
恨他何不死沙塲

寓齋獨坐作

舉世驚榮利退士獨掩閨懷古手一編蕭然冷生活人
謂此老癡此老實最黯衆所競趨處一罅萬夫奪惟茲

文字緣無人問阡陌恣我磅礴遊天馬驟空闊人棄我所取正是巧貪得待彼榮利盡所就已莫及送者自崖返回視但塵沒

士有名世才出手爆雷電遠夷爭購詩達官求識面必待史策傳其傳已有限嗟我生也晚不及見古人但覺古人遠可望不可親盡力相追從猶疑隔一塵千人萬人中有我七尺身千年萬年中有我數十春白首自照鏡塌然暗傷神

廈門偕章湖莊沈百門遊小普陀萬石巖虎鹿洞
諸勝

人間千萬山莫如廈門醜禿鬚無寸草亂石堆作阜想

當鴻濛初未經巧匠手豈知醜轉奇於焉構戶牖我來
好浪遊筍輿共良友初到小普陀琳宮不盈畝旁通一
竅入單行不得偶石罅嵌孤亭對奕可二叟兩邊秘魔
崖陰森晝常黝一笑舍之去胡爲孔入藕言尋萬石巖
精藍頗不苟亦有坎窞深俄上盤陀厚虛牕豁遐矚海
汭僅尊由所嫌山泉枯涓涓澁靈湫待煮一碗茶竹筴
滴良久再訪虎鹿洞兩庵互環紆虎乃石琢成其威不
如狗我欲射沒羽惜非北平時僧雛來導行路出層椒
後侏儻語難辨每以手代口窄徑劣容趾榛棘莽相糾
二客不能從老夫氣獨赴章沈皆不至鹿洞已難騎虎下且作逐
鹿走漸覺所歷高步虛躡星斗地少占天多一覽畢萬

有境盡興亦闌歸途及日酉因思扶輿大何限喬嶽陡
此地無名山卷石遂居首無佛易稱尊山靈得毋忤却
笑盧敖游將遍九垓九誰知千里來踏此一培塿

贈李莪洲孝廉

交誼從來在生死世間乃有真義士贊皇出策籌邊樓
中有叅謀同姓李丰裁峭不受人憐議論平能令公喜
一朝劇賊起隴東殺吏攻城捷若風書生袴褶催上馬
馬蹄血滑頭顱紅前鋒戰敗蜂豺集一日羽書三告急
空城孤守無一兵賊來便可攀堞入此時守臣惟一死
散遣賓朋盡雨泣不曾食祿爾何人乃願同膏寶刀澁
肉將尸隄林下填魂已鬼門關昨立間道援師曾天幸

倘緩須臾必無及旋收殘旅裒散亡再選新鋒嚴伍什
整軍重卜梟鳴牙蹴賊漸看豕入苙

詔按封疆失律誅檻車連夜趣追符矢石已教同死地
髡鉗那更伴危途夕陽亭下人揮涕慷慨從行更高誼
一諾甘償國士知千金笑却通侯幣生須甯武橐餗隨
死要劉潛收骨瘞或傳槩水將加誅或揣圖扉但頌繫
消息還憑郭解探艱危屢出陳平計緩死爰書下

九閭更從請室慰生存論詩消遣疊臣寂降氣周旋獄
吏尊早入鈴柳喧未歇夜占貫索澹無痕春來秋去臆
前草曉謁宵還陌上輪直待賜環方告別已經四百五
晨昏義聲從此流傳遍多少公卿求一見我亦聞名想

下風只疑突髻虬髯面急裝足裏豪豬鞞奇服腰懸鹿
盧劒豈知今日一班荊弱不勝衣太瘦生傾座清言霏
不盡分題險韻鬪先成衣綃蘊藉無凡格花月留連有
勝情妾解吟詩奴識字荻簾氣味一家清翻怪孱軀耐
驚恐由來仁者必有勇才工大禮賦爭傳名到上邽門
愈重始信人間節俠流原須出自風雅種

欽齋李公蒙

恩賜雙眼孔雀翎奉賀

報喜今朝是孔雀朱纓寶頂燦修翰光搖翡翠華簪上
班壓貂蟬朶殿端頌處

重瞳親手揀戴來萬目仰頭看孟嘉在幕應趨賀也倩

窮人一整冠

栽洲以陝中遊草見示和其五首

鴻門

風急牙旗颭將壇殺機危處託交歡
一杯酒竟將疑釋
千載人猶代膽寒
目眦光浮屠狗楯背疽病爲沐猴冠
重瞳終是君人量成敗論人恐未安

灞橋

咸秦東去指臨潼舊有長橋似偃虹
詩思一天驢背雪
離情兩岸柳條風
臨流斷礎猶堪認
挽漕連橋已不通
曾是前人斷腸處
酒旗還映夕陽紅

定軍山

將星夜落蜀山雲丹旄歸來葬定軍與賊勢終難兩立
斯人功竟限三分豐碑曾墮居民淚宰樹猶森故相墳
志決身殲遺恨在至今忍誦出師文

乾陵

一番時局牝朝新安坐粧臺換紫宸臣僕不妨居妾位
英雄何必在男身林巒赭豈媯皇石風雨陰疑妬婦津
同穴橋陵應話舊曾經共輦洛陽春

馬嵬坡

龍極强藩已不臣枉教紅粉委荒塵憐香不盡千詞客
召亂何關一美人埃火自明孤驛夜野花猶泣故宮春
誰知幾點胭脂淚別有生離江采蘋

又和荊州咏古四首

威懾曹瞞欲避鋒豈虞狙伺起鄰封英雄事有千秋恨

形勝今猶四戰衝青史綱成終失地

綱目書失荊州事

白衣櫓到

尙傳烽如何一局無援著疑案常應咎臥龍

關壯繆

獨眼何曾不霸王七官文士豈能匡怕聽項羽重墮敗

慚對徐妃半面粧赴難終遲焦釜沃稱兵殊愧角弓傷

可憐才藻多焉用一炬燒殘萬縹緲

梁元帝

拋盡山河剩清宮選樓遺澤未應終萋苴已附三王後

警蹕猶尊百里中聊比蠻夷佗竊帝差勝安樂禪稱公

轉憐蕭銑生降日不得偏隅國甬東

蕭綰

帳下奴遷節度班故應無賴保疆孱偏安王八朱三外

得計朝秦暮楚間到處稱臣甘拜表親身謁帝急逃關
始知草竊粗能立也要三分智計姦高無類

又和三垂岡韻

憑高千里撫山河克敵歸來感更多家國恨留三矢賜
英雄淚落百年歌晉祠古木無鴉噪汾水秋風有鴈過
軼事至今誇父老生兒復此領沙陀

戲書

自是書生太作癡愛尋舊事發新思可憐足不曾經處
又和他人弔古詩

再擬老杜諸將五首

絕徼兵戈未凱旋將壇別築選親賢龍驤飛渡無停晷

驃騎承恩正少年過海地非頭痛國翹關人有肉飛仙
先聲早落么膺膽神策軍來一抵干

援師連夕解諸羅五月重圍久枕戈萬死蟲沙今更活
一城雀鼠已無多樵蘇漸出炊原樹齒骼新移葬野莎
回首無須更思痛 國恩深處比滄波

移兵直擣穴巢偏旅拒猶思喘息延伏不鬪曾遭賊侮
楊難當豈畏城堅盜魁竄後跟重蘭鬼妾俘來髮兩鬆
有路可追終就縛世間豈有燄摩天

經年萬帳擁貔貅何事今纔破竹收也是灾民應暴骨
從來上客在焦頭勒銘鹿耳紅毛嶼洗甲鯢身碧澥流
太息熊津老都督胡爲不自取封侯

西南北已武功皆何意東溟起瘴癘戎索疆纔恢玉壘
職方地肯棄珠厓兵收裨海蓬瀛島星貫穹霄畢昂街
從此萬方清晏奏豈徒韓筆紀平淮

閒咏史事六首

運石飛磚造塔忙馮熙計慮亦深長塔成但見高千尺
誰見人牛死道旁

炙手權門百賄填古人眼孔究堪憐區區黃雀青魚鮓
屋棟雖充值幾錢

北府曾傳孝傑誇官登台輔要豪華庫無百萬黃金鉌
那足稱爲宰相家

身在璇霄秉獨裁何難金塢積成堆江陵至竟稱賢相

只愛持權不愛財

拘項橋膽最上層力求宦達果飛騰官高無奈身如舊
日食依然只半升

老禪淨眼看花紅已付飄香一陣風畢竟馮師原失計
骨人那住肉山中

裙帶魚臭如醃鰲我洲百門乃酷嗜詩以調之
臭味輾轉不可親嗜癖偏作席間珍爲魚也要佳名字
裙帶纔呼便動人

臘月蚊

信有閩南氣候溫不須曝背向朝暉冬裘夏葛書生眼
誰識人間臘月蚊

再贈莪洲

海內爭傳短李詩，論交今喜豁心期。
慕爲俠客應名蘭，買得佳人恰姓施。
君買妾施姓聯轡叨隨千里遠，對牀常話五
更遲。誰知使節開戎幕，專爲吾曹聚履綦。

漳州除夕

汗漫何妨戲九州，豈因兒女動閒愁。
聽他阿囡呼郎罷，不覺衰年感獨遊。

遊開元寺

經月漳州未暇登，開元古寺此支簾。
多年殿閣簷無瓦，新歲城坊店有燈。
遊戲已成歡喜佛，行藏肯問懶殘僧。
芒鞋將遍東南勝，先試芝山最上層。

軍事將藏余歸有日矣詩以誌喜

久作華陽陶隱居豈期老出治軍書廉頗已自三遺矢
馮婦何堪再下車鄉夢迢迢千里外塵踪碌碌一年餘
稍欣奏凱期將近計日歸尋舊草廬

無端伏莽報興戎一片蟲沙小劫中作賊豈聞頭到白
驅民已遍血流紅時平吏醉笙歌月事起兵寒草木風
至此始知龔渤海賣刀買犢是奇功

也是塵勞債未償爲酬知己一番忙卿曾經事韓文約
我決不爲陳自強幕下使材論屢屐燈前握算調芻糧
尙憑門館恩私地兼報當年食太倉

本爲遊山附羽翰久留軍府最無端肯從殷鐵還干祿

翻似劉綿尙戀官萬斛樓船兵渡海兩甄桴鼓將登壇
天教倦客歸期速一戰先聞定百蠻

桃花

清明雨過淨無塵欸段遊山始見春多謝桃花開滿洞
劉郎已是白頭人

泉州提督署昔清源軍節度使建牙地也基廣五
百餘畝想見舊時節鎮規模爰記以詩

世亂割據多始皆聲仗義功著人望歸得勢輒自利閩
南清源軍舊本王氏地失國落人手從効起奮臂殺賊
求郎君奉以故主位旋假歸朝名送往金陵置因之身
受節牧民頗稱治儉藏中門衣勤舉秋堂試蹊田牛已

奪占巢鵲轉避後來陳指揮卽用此故智初推老漢思
已自居副使大鎮忽扁門脅取金印昇排衙節度廳盡
領部將吏恰逢火德興納土職方隸人免兵氛殃家延
國恩施嗚呼兩偏霸至今傳軼事我來溫陵游遺址人
尙記軍閫建高牙雄鎮昔所在萬瓦浮烟青六榕綰雲
翠毬場廣千步想見士馬肆其後古北樓一覽豁遐企
遙山蟠龍形大海噓蜃氣壯哉一都會南藩茲焉寄時
清無攘爭鈴閣但清閤事往一追思彼亦羣雄次

軍中擒獲逆首林爽文檻送過泉紀事

木籠裝囚語啾唧兵衛簇成片雲黑不須露布曳長纛
夾道爭看海東賊海東賊本一細民豈讀兵書習部勒

結交無賴匿亡命官索逋逃竟不得半夜無端嘯挺戈
殺吏攻城血流赤是時鼎沸雖披猖猝起猶堪滅朝食
後先航海諸宿將持重養威示不測隔海調兵動幾旬
兵添一萬賊添億孤城遂困重圍中糠粃俱空糞履革
三番赴救陣未開兩路繼援途又塞倘非

廟算決大舉絕島妖氛幾時熄卽今就縛入檻車不過
圈牢一豚脂若論經歲軍貲費千兩黃金一兩骨時清
豈許伏莽滋事緩幾成燎原歟一颺乃煩千鈞弩此事
誰當任其罰

閩言

滿耳啾啁不辨何近來漸解說樓羅始知公治非神技

只爲聽他鳥語多

偶閱查初白集中有汴梁雜詩八首但稱梁宋遺
墟殊未詳考按汴州自朱梁以宣武軍得天下
始建爲東都然溫僭位猶在洛也末帝方卽汴
爲京後唐仍遷於洛石晉至汴以其地便漕運
乃定都焉漢周宋因之劉豫受封亦嘗遷於此
金海陵謀南伐宣宗避北侵又皆來都此汴京
沿革故事也爰補其缺而以明之周藩附焉

一軍宣武啓雄封地扼中原四戰衝自詫五經真有子
幾令獨眼不成龍上源驛近來仙仗建國樓高報曉鐘
留與豚兒作京闕楊劉北望夜傳烽

奪得山河國大梁婦翁豈亦許亡唐乞鄰直比高無賴
稱臣於契丹拒命翻成石敢當出塞叫雞隨幣貢圍軍噉馬少
鹽嘗負心等破妻家業他日何須罵杜郎

窮廬人去少兵塵操刺軍都坐紫宸暗伏鐵鎚曾護主
遠頒木拐亦稱臣糟糠持戶家終立水火盈朝國已屯
太息郊壇纔建號匆匆父子四年春

少年花項刺飛翎豈學班超燕領形早有美人驚衣白
竟聞天子出雕青憤兵救命歸無路義子傳家討不庭
贏得榮封崇義爵歷年三百未曾停

戎衣一夕換袍黃返旆從容上御牀得國也從孤寡手
傳家難料弟兄腸基開忠厚流終遠運啓文明勢不強

遺澤試看南渡日魚羹老嫗亦從王

領得狼頭纛一枝仍容守汴建朝儀竟從故國乘黃屋
可憶當年拜赤墀南牧金戈奴叛主北來玉冊帝稱兒
誰知他日臨潢徙五國城中等淚垂

一樣南遷兩不同
瓊車塵土繡旗風
勢強飲馬長江外
運去遊魚沸鼎中
喬木陰猶秋色碧

元遺山詩兩都
喬木皆秋色

幽蘭軒

已火光紅可憐一片青城月又照蛾眉出故宮

愛子分封錫土田
梁園自古有親賢
時平樂府翻箏曲
勢急圍城散庫錢
朱寨波濤悲末運
大隄絃管記當年
至今廛市都新築
多在前人屋脊巔

食江瑤柱

荔支曾飽啖瑤柱此新嘗味美勝熊白形潛似蠣黃孤
撐非獨骨相倚有連肪口福吾滋愧居然服玉方

戲筆

一卵課一雞疋絹八百黎驅驢索輔脊送騾嫌跛蹄見
客吐瓜皮取啖不嫌泥東門受羊賣向西馬豆作粥填
其妻銖積而寸累管鑰手自稽一朝委骨青山蹊荒墳
無人鳥自啼

臺灣俘囚絡繹檻送內地再作凱歌

海風恬海波闊帆檣絡繹執俘歸口目睢眙賊猶活初
疑海外人琵琶之腿碌礪身齒可嚼鐵碎手能舒鉤伸
誰知入蒐獮狴狴一羣犬吳歪頭陳弔眼爾勇伊何面

徒覩當時若早勤搜爬咀爾不搖牙踢爾不用靴胡爲
養成洛姬肚大於宋公鼓擇音不作鋌走鹿攫肉翻成
饑噬虎易帥添兵始就擒已費經年檄旁午嗚呼一鷄
何用牛刀割不是牛刀割不得朝端應有黑頭公世上
乃無白頭賊

留別湖莊莪洲百門諸同人

荔枝花開蘭草秀一曲驪歌別交舊歸期方喜酒餞尊
離緒翻催淚盈袖憶昨相隨使節來正值海東嘯羣寇
帆檣轉粟臺祭風羽檄調兵程記埃諸公綽有帷籌運
老我已無囊智扣道旁苦李社邊櫟久托散材養衰壽
兩錢雖豈勝干將十指槌偏令刺繡主人官高能下士

相倚不殊手左右雖免鞠躬磬腰折也須笑面靴皮皺
炭冰事盤策屢更星火書催章急就幾番乞歸歸不得
待饒簫凱歌奏此時羈思損眠餐賴有素心共昏晝
東西解對屋數間甲乙籌支夜三漏竹頭木屑妙使才
老鼠大蟲戲作詬得暇楸枰偶爭劫消閒簑簑或射覆
經年客裏幸不孤此樂人間亦難又今因歲事我得還
却起離愁中酒後爲陪我幕苦共嘗不覺朋簪誼逾厚
千里川原望遠勞一天風雨懷人瘦吳江水碧越山青

諸君皆
浙人

載酒何時重邂逅

甌北集卷三十二

起戊申三月盡一年

陽湖 趙翼 耘菘

北歸

屢改歸期始定期郵亭露布正班師千軍萬馬紛馳處
一个閒人訪武夷

孤客遊山一笠雲也勞驛館授餐勤韓康本欲逃名姓
翻遣人間婦稚聞

莆田弔詩人黃莘田

曾從坊本拾蘭荂一卷新詩味寂寥落墨無多倪瓚畫
餘音不絕世昌簫

東坡赤壁賦中吹洞簫者乃楊世昌見王註蘇詩

太息孤魂不可招留作郵程一憑弔秋墳何處草蕭蕭

夜行曲

鷄米鳴月先墮陰風蕭騷滿天黑夜迷失道踏坎坷暗
中有鬼不露形但閃金睛赤如火老夫獨持正法眼定
光自放青蓮朶天明但見塚纍纍斷碣無名草沒髀

武夷山

生平踏遍天南戒一隅尙缺甌閩界武夷欠我遊山緣
我欠武夷作詩債天風借我便羽翰雙鳥飛墮來崇安
正當春水發刺篙可以泝急湍路如螺紋旋一曲一改
觀懸崖奇巖不可狀畫手欲寫愁荆關想當開闢初天
神早有倅扁般各出新意弄狡獪運斤斯斧斲出千嶺
岢嶇亭峯更在天際傳是錢鏐曾孫夜宴地仙人亦有

故鄉情招飲山下之人萬千計雲璈朗奏碧月清錦幄
高張彩霞麗當時廚饌太狼籍鳳肺麟脯屬饜到奴隸
笑他後世秩祠官一片乾魚也供祭勝會一散三千年
至今寂寞空雲烟太白廬山謠東坡羅浮篇名山例有
名人傳茲山雖有考亭權歌句儒家氣象不稱上清八
洞仙老夫偶來過或亦天假緣笑語武夷君倘可與君
兩連翩

冲祐宮

水複山環處琳宮絢彩霞路疑毛女洞地是羽人家丹
竈錙銖火茶經粟粒芽何當息塵鞅晏坐讀南華

仙蛻巖

仙人游戲大羅天何事空餘一蛻蟬若使成仙只如此
老夫也不慕喬佺

革囊血盡殼空留膠漆相黏古髑髏不是長生是長死
無言瞑坐一千秋

聞說登真不在形可憐世眼自難醒不知尸解遊何處
猶向枯骸跪乞靈

煉丹臺

藥鑪已廢冷無烟傳是丹成此上天煉汞燒鉛吾不耐
英雄撒手卽神仙

至福州有一僕來見自道姓名乃余昔在京師未
第時童奴張忠也蒼顏白髮幾不可識撫今追

昔感嘆久之

三十年前青翰舟相逢欲認屢凝眸看他綠髻今斑白
不唱何戡也淚流

穎士奴曾解愛才相從正值困蒿萊傷心夜伴孤燈讀
冷盡熏爐一寸灰

已無人喚鶴山翁留後西川望久空昔日郎君今作客

爭教便了

王子淵
家僮名

不途窮

戚曉塘觀察席上賦西施舌

一寸靈根出蚌胎浣紗遺體費疑猜捫愁卷入嬌喉去
割或潛乘笑口開似帶瀾翻從越網幾曾簪巧禍蘇臺
却慚老去風情斷方與佳人接舌來

鼓山

閩遊本爲山鼓山閩之望晨興呼筇興直上五千丈羣
峰盡在下孤簷空所傍及行至絕頂翻若平地曠一峰
圓似鼓兀立良背亢兩臂互迴抱中有百畝廣巍巍大
梵宮殿閣抑何壯城平斲山骨簷迴浥霄沆丹碧耀晶
采罡風相摩盪甃瓦詎能飛何由循麓上幾疑結構時
挽運出神將其旁一精廬舍利虔供養閃爍玻璃餅寶
光時一放復有古佛牙齧齧尺許長試入今人口定塞
頤輔脹始知丈六軀碩大信非妄言尋水渟處碧潭靜
無浪策策金鯉魚投食偶出颺居民弗敢釣云必有灾
恙以是六六鱗得免人腹葬循流迤而左翠壁儼屏幃

何年水遭喝欲西轉東向湫流脉憤盈歎出石龍吭洵
美淵壑奇勝境誰所創壁鐫皇祐字宋人已策杖獨悲
題名者鐫刻滿崖嶂至今按其人爵里已難訪惟有蔡
君謨稍爲世所尙石壁刻名甚多
中有蔡襄題名由來傳不傳未可金石仗
我亦一遊人生平屐幾兩蒼茫覽今古憑高浩俯仰

李忠定公墓在福州懷安桐口大安山

靖康如用公或免北轅辱建炎如用公或免南渡蹙敵
退公亦去敵來公已逐徒令後世悲擯棄何補當時計
恢復有宋李忠定有明于忠肅皆當天地翻力欲奠坤
軸一則言不用身存國被蹴一則言見從國存身被戮
若論純臣心豈願全軀國家覆懷安桐口青山麓我過

荒墳淚盈掬生無百日立朝端死有一坏留海曲

寧德道中

萬山深處總犁荒始信民生瘠土良當春開門人字屋
攔坡築壘水田墻牛羊自識晚歸路婦女不知時樣粧
但使有司能撫字茅簷何物不安康

至福寧江淑齋太守方孝亭總戎陳廸菴明府更
番設讌兼同遊望海樓諸勝

踏盡千峰到福寧奴欣飯白馬芻青留行已剪招魂紙
出險應名至喜亭歌板新聲催曲部弓刀小隊叩禪扃
誰知經歲兵塵慣有此歡塲累日停

題淑齋官署

粉署含香地望華天教作吏亦清嘉全家碧水丹山裏
好个神仙太守衙

奏凱師還滿驛亭獨因僻左少來經四禪地可廻兵劫
不枉山城號福寧

山行雜咏

我歸江南道應出仙霞關時當兵凱旋喧哄滿市闌乃
遵海而北路入千萬山出郭首北嶺陡入霄漢間遙望
疑無路猿猴亦難攀豈知所必經一綫縈榛菅昇輿數
十人作力股脚彎我成百足蟲蜿蜒上青孱自笑老何
苦白首歷此艱

有司僱輿夫送我遞郵舍輿夫見官僱知從憲府下將

我作奇貨傭直索高價停肩不肯行求益恣嚇詐名士
值幾錢竟似將我賣民轉脅官貲此事殊可詫輿夫前
致詞使君幸勿訝平時官股民錙銖弗肯赦惟此聊取
償稍嘔老饕炙

謝公昔遊山屐換前後齒我老不能行筍輿代步履其
奈高下間將我簸若秕上山身仰眠下山手旁抵老夫
忽設計奇智出囊底輿夫有短長呼來就排比止則前
矮張下則後短李人地一調劑遂覺平如砥所慚役人
力被肩代我趾

遙山最深處想必無人居一縷炊烟起乃亦有室廬始
知生齒繁到處墾闢劬虎豹所窟宅奪之爲耕畝尙有

傭丐者無地可把鋤民生方愈多地力已無餘不知千
歲後謀生更何如

一層又一層直疑到天上及行至層巔天高仍難量試
以目力揣無異平地仰乃知不可階固絕人意想本地
者親下身已落塵埃橫可徑萬里高難騰一丈安得洪
崖肩何來巨靈掌所以謝自然退之斥其妄

山雲纔滃起頃刻雨點飄乃知雲變雨不必到層霄祇
在百丈間卽化甘澍膏君看雲薄處曦影如隔綃自是
此雨上仍有赤日高

青山近可登碧澗清可酌結廬者誰子墻荆瓦編籜門
外幾株松濃陰綠成幕荷鋤出種稻攜鋤兼采藥時復

蒸木芝清香透林薄洵美此家居足以老耕鑿我非茲
山人恨不一椽托可惜居山者不識山居樂

分水嶺

峻嶺名分水郵籤記短亭春泥山虎迹曉市海魚腥一
澗雙流碧諸峰不斷青方言鄰越俗入耳已堪聽

一路舟車有司供設頗具以余從制府來也書以
一笑

累他一路館餐儲爲是平津舊主書始悟洛官趨賈謐
豈真邛令重相如已無按部雙華轂且當遊山一筍輿
堪笑不因人熱者此行翻假虎威餘

永嘉舟行

纔過飛雲渡，籃輿又換船。長途遠歸客，勝地小遊仙。
湖退岸痕濕，雨餘嵐翠鮮。真看淳樸處，別有一山川。

自溫赴處沂流作

一灘高一丈，自溫至處將萬仞。我乘下河船，逆流似笑陣。
但見蒼崖深，急湍迅千山。圍合望無路，幾疑船欲撞。
山進忽見上流一櫂來，始知扼塞中仍有罅。鑿趣呼齊作力灘，方吼雷震絳夫水。
沒臍艣婆浪，濺鬢柁牙恐拘臂。枝折船背愁磨卵石磷，自笑老命孱得無魚腹。
殉十載江湖軟水舟，胡爲試此斯須忍。

樂清北境可入天台歸途不及往遊賦以解嘲

曾讀輿公天台賦，赤城霞起艷海表。我行永嘉途可通，

便擬芒鞋往幽討前路但問人口說身雖未經已了了
獨思劉阮誤入時看花遊客知多少蕪菁裏飯獨相引
想爲兩生顏色好仙家也復愛少年自嘆形容已衰老
深恐麻姑爪未搔駘背先打鞭絲飽一笑廻車速歸去
任爾落紅紛不掃

戲書

荒村遠城市不知羅綺鮮村女簪紅花顧影亦自妍

青田道中

上瀨船遲坐夕暉畫眉聲老綠陰肥地爲山佔幾無土
水到灘鳴不可磯野鴨攬頭依石厓水牛浮鼻渡江歸
羨他茅屋人家好樵牧終年住翠微

過青田訪劉誠意故居土人云在南田山頂去地
千百丈其上平疇千頃村落相望皆公子孫也
質之縣令趙君亦云惜匆匆不及往遊賦此以

誌

我行青田江言訪誠意宅居民爲指點宅在千仞壁其
上一洞天良疇千頃闢山平有廻環水軟無跳擲厥土
乃上腴畝歲收二石處者皆劉氏丁戶累數百猶守故
侯風服田讀書策雖無顯仕宦亦少賤隸役惟公精青
烏堪輿審所擇是以占地靈椒聊衍蕃碩斯語殊未然
公本志勲績一經治春秋決科早通籍恢奇二鬼篇英
略蘊自昔豈屑識緯學小數叩幽蹟時當元運衰猶應

行省辟懷慨討賊議同官舌盡咋獨從石抹公歷險冒
戈戟使其果前知肯徇陽九厄是知世所傳淺夫妄億
逆想公卜居意但取茲境僻外無紛華炫內有耕鑿適
龐公計貽安楚相地取瘠老成垂慮遠正以保宗祏徒
擬形家言未免腐鼠嚇英賢自有真豈在蓍與筮世所
驚神奇不值一笑啞事往跡尙留論定品始白遙望青
山高遐哉君子澤

麗水題卻金亭

紇那得寶地初經暮夜方愁染指腥地主本無投贈雅
何須高築卻金亭

桃花隘

我過桃花嶺花開久已殘本非秦洞訪何羨阮郎看路
似緣撞進天真坐井觀途危名字好聊慰客行難

金華換江山船

一年浪跡最無憑又聽江船唱采菱老去忽經戎馬地
歸來仍是水雲僧平山有樹便蒼秀急水過灘常沸騰
計日抽帆將到岸雷峰葛嶺一枝簾

嚴灘

去年過嚴灘子陵向我笑久作林下人胡出逐旌纛得
非白頭姬塗粉思再醺今來過嚴灘我向子陵誚披裘
跡近衙加腹氣非傲特恃故人恩巧立高士操緊余慕
武夷隨人入閩嶠適當有軍事借箸聊一効非特酬知

交兼藉 國恩報事定仍拂衣一路快登眺出不爲求
名歸不失高蹈比君弔詭處稍覺襟懷浩湖天有一曲
去披綠簑釣

江行

倚柁風情越女狂自矜居近苧蘿鄉誰知數典忘其祖

不記漁家舊沔陽

明祖滅陳友諒徙其家屬錢塘江操舟今江山船皆其後也見三餘贅筆

容與中流下水船愛延朝爽嫩晴天曉來試啓西牕看
恰好青山近這邊

倚舷坐愛晚風披正是科頭覓句時兩岸空青一江綠
不妨潮阻去帆遲

同鄉陸蓮菴觀察招遊天竺龍井諸勝午後泛舟

遊湖卽事

我從浙東歸恃君爲地主我到君已去

君任溫處道適以事罷官

頗嘆

獨行踽豳知西湖遊仍費君資斧言尋上天竺大士有
琳宇花開優曇香鳥叶迦陵譜濛濛空翠裏一聲齋粥
鼓香火日夜薰弗黝清淨土我雖不佞佛幾欲此質庶
得隴更望蜀龍井啜甘乳涓涓石罅流不作飛瀑怒有
泉山乃活如龍點晴舞修廊折以登虛亭瞰而俯流連
勝賞新俯仰陳迹古惜無辯才師送過風篁阻是時樹
影圓坐久日卓午主人又招呼湖舫泛柔櫓行廚已具
饌饒殺老菜吐醉歌凌中流時復傍隄許人生遇美好
數見亦不媿獨茲西子湖我來亦已屢一到一回新不

厭三五四始識無盡藏今覽非昔睹快哉此清遊乃落
兩僮父自非塵外身曷翔雲中羽君已拋手版我亦久
解組無著與天親天遣作僊伍期君早還鄉蓉湖共泛
雨

西湖雜詩

又向西湖泛綠漪湖光如舊客衰遲可應皺面波斯匿
重過恒河照影時

白蘇都向此留題二老才名本自齊不作爭墩互傾軋
兩人各占一條隄

一坏總爲斷腸留芳草年年碧似油蘇小墳連岳王墓
英雄兒女各千秋

名士常憑勝地傳如何勝地轉攀緣歐公宦跡何曾到
勺水偏標六一泉

冤獄風波已被誅空餘鑄鐵跪泥塗不知地下權奸骨
果識人間唾罵無

湖山原要錦成堆一味孤情也可哀想見平章燈火出
道旁寒殺老逋梅

顧藩伯歸按察盧運使枉招佳讌梨園皆蘇州子
弟也一年來不見此景色矣卽席有作

千里看山遍浙東便思歸迹一帆風豈應官閣笙歌會
偏饗江村笠屐翁瑤醖香浮重醞碧銀釭光炫靚粧紅
不因勝餞觴歸客那見吳趨色藝工

宗陽宮

相傳卽宋德壽宮故址

樵陽仙館宋時基傳是光堯養耄期誰諒屈身因老母
何須傳位必親兒兩宮無間真慈孝半壁能支亦創垂
何意重華循故事翻從毛裏起猜疑

庚午同年平姚海孫星士葉古渠陳受桑招飲於

吳山丁仙閣姚海有詩卽用其韻

白首同年尙五人那禁握手倍情親步聯謝客登山屐
醉濕陶家漉酒巾地盡羽流無奉佛

山皆道觀無一佛寺

坐仍齒序

不論賓居民驚見鬚眉古只道羣仙戲降真

早登解額正難量回首俄驚四十霜已嘆飛蓬雙鬢短
猶餘食粟一身長地傳丁令歸來鶴石是初平叱後羊

合改山名稱五老年年來此續歡場

附原作

平聖臺

意外相逢世外人同年年老倍情親吳山勝處堪攜
屐閩海歸來喜墊巾草草前程成漫仕匆匆後閣走
窮賓天涯還許留青眼覆醅纏綿興味真

雲霄失路等亡羊塵鞅消磨兩鬢霜問舍求田豪氣

盡登山臨水別懷長螭頭舊直悲華屋

酒間談汪文端師舊事

盾

鼻新詩弔戰場收取閒身且行樂一筇台石費商量

重遇盲女王三姑賦贈

十年前聽撥琵琶曾惜明眸翳月華今夕紅燈再相對
老夫亦已霧看花

無目從何識字成偏能演曲寫風情可應手摸知書慣
此瞽真當字伯明

徐娘雖老尙情長慚愧蕭郎髩已霜對面欺他看不見
白頭聊作少年狂

人間用短轉能奇水母曾傳借目窺爲汝作蝦吾亦肯
便隨流蕩不相離

閨門晤王西莊話舊

握手論交紫塞塵春明一出見無因每逢後進思前輩
喜聽貧官作富人

君生事頗足

讀史共推糾謬細著書爭祕論

衡新形容別久猶堪認知是閒居養益馴

書生老不肯干休福不如人名要留愧我沉冥空廿載

如公著述已千秋江湖游釣餘青笠人世推排到白頭
乞得士安佳序在他年或可附名流

前歲曾爲拙集序

虎邱夜泊

夢斷山塘舊酒痕扁舟重泊虎邱門旗亭猶唱黃河曲
香塚誰招紫玉魂半夜鐘催燈影炮一弦月度柳陰昏
風懷久付茶烟颺明日團蕉禮世尊

抵家觀競渡

一載叅戎幕今纔返釣游幸非歸馬革猶及看龍舟簫
鼓喧河市烟花映水樓故鄉隨分好老矣復何求

同鄉蔣立庵余佩珩程香遠家緘齋諸人爲余洗
塵置酒雲窩閣適顧晴沙至郡并邀入會又泛

舟作竟日之游卽事紀勝

遠歸正及五月五素心爲我相勞苦軟脚筵開謀樂方
巧趁龍舟沸簫鼓良緣忽來顧虎頭大笑今堪鬪龍虎
雲窩小閣催飛觥脫略幾忘孰賓主斯須也不敬鄉人
屢舞飲飲味童殺投壺激矢驍掣電拇陣衝拳亂灑雨
老夫方謝軍事歸豈意又遭酒兵侮少焉龍舟欲北去
隻隻遊船力爭努恰如神物將騰雲多少魚蝦送前浦
逢場作戲吾從衆也喚扁郎奮柔櫓是日火繖張炎威
士女汗流勇猶賈千艘珠翠打水圍兩岸巾裾疊牆堵
齊統萬扇一齊揮併作龍鱗片片舞笙歌未散日將夕
燈火又開夜如午茲番真成樂上樂一日歡場足千古

歸來仍約盡餘樽飲到四更山月吐

題聞遊草後

嘯咏江湖髯已霜忽添饒吹入詩章共知殷浩宜高閣
偏伴陳登臥下牀醉後語言無忌諱老來詩筆漸頽唐
只餘飽啖楓亭荔口福天教滿願償

兩行官燭半牀茵蠻府叅軍亦苦辛已見功收橐矢日
何須名出捉刀人春蠶食葉行間草野鶴歸山物外身
看到滿枰棋定後爛柯樵已一年春

最喜歸途傍海涯浙東岩壑極幽遐千年開道從康樂
一路看山到永嘉花草無名開錦幄犬雞俱壽餌丹砂
此中好景誰消得只合詩家與畫家

到處華筵競饌賓
梨園法曲遞翻新
自緣好事陳尊轄
豈慕高名郭泰巾
舞態酣搖花映肉
歌聲軟度酒生鱗
當場作戲人何限
我是場邊看戲人

將軍凱旋地方官
供張甚盛而將軍舟行迅速未
嘗一寓目也

靖海功高縛兩酋
凱旋喜氣溢星郵
摧堅已用琵琶腿

賀勝應簽玳瑁頭

宋初選軍格用琵琶腿金章宗紀有優人瑇瑁頭

綺繡歲粧紛傳舍

魚龍曼衍繞行舟
頗聞軍令遄歸肅滿眼
繁華不寓眸

夜坐

拋却橫腰帶萬釘
歸來仍伴一燈青
夜深河漢星千萬
何處尋他處土星

繁華

繁華局裏一年春
差喜歸來未染塵
公瑾有醇堪醉客
劉輿猶膩解污人
一經可教聊存素
八口無多易救貧
慚愧親朋說高尙
無官豈卽許巢身

齋居無事偶有所得輒韻之共十七首

惟天體本圓
物皆圓爲模
竹木花葉果
人獸毛髮鬚
無不以圓成
稜角一概無
方乃人所爲
制器崇廉隅
聖人馭天下
亦以範衆殊
一之以禮法
齊之以刑誅
欲使界畫定
羣就繩墨趨
終然圓化流
難盡方幅拘
是以檢閑立
但期大不踰
禁雖嚴
偕矩治亦尙
破觚

日用而不知
凡事輕心掉
閒中試靜觀
無一非奇妙
日

火陽之精其光遂外耀金水陰之精其光則內照陽施而陰受神用各自効此皆在眼前格物有不到一物一太極誰能遍探奧

維人與萬物靈蠢固迥異獨至利害間趨避同一智大而鳥與獸微而及蠅蚋謀食斯競趨遇警則急避何況人之靈肯淡害與利營私本常情遠禍亦至計必以義爲閑此特儒者事王政治萬民本不到此細

古人用錢幣銀鋌宋始行古人衣絲枲棉布元始成其物古已有時至方見榮何況人爲者後出技益精硝磺製火藥世乃無利兵玻璃琢眼鏡世乃有老明此又昔所無今且遍八瀛由來利用物亦隨時會呈當其機未

啓雖聖難預迎及夫爲世用聖亦不能更

天旣欲平治當盡生善人乃人有生後權不捺鴻鈞各逞所欲爲縱恣喪其真迨乎流毒甚天亦鬱怒頻饑疫以殺之夫豈天不仁其如被殺者又多蚩蚩民機智能自衛輒作漏網鱗天亦無如何一笑付刼塵

名山有瀑布噴出萬仞嶺若謂水就下其源應自天及探所從來仍自地底旋乃知氣所鼓潤下亦上緣君看咳唾處津涎升丹田最高莫如首亦有血似泉樹根入土深液仍滿枝顛

造物一生人其事則已畢善惡當誅賞世自有法律其奈刀筆吏用法輕重失因之不平者又望冥報密閻羅

聞之笑此事非我責青天白日中枉直不辨悉鄴都黑
暗地豈能代窮詰陰陽兩相諉懸案遂難結所以千古
冤總無昭報日

周公創治具以柔致太平觴豆訓禮讓玉帛聯會盟納
之謙和中隱使銷亂萌老子五千言亦以柔道行守雌
兼守黑去競自息爭世儒斥異端漫加非聖名豈知道
德意實通官禮精一以法漸摩一以教陶成

孔子作春秋尊王意最殷何以書法垂紀元用魯君似
非一統義方軌稟一尊使其在後世將以謬妄論當時
國史例記載本各分是以筆削加體裁仍舊文始知成
式定聖亦惟因循雖有未安處不敢遽更新

坑儒焚詩書陰謀起李斯心知古神聖道高不可幾欲
盡滅其迹自作萬代師其志則已雄其計良亦癡後來
章蔡輩嚴禁蘇黃詩事小雖不侔如心同此私生不許
宦達死不許名垂誰料坡谷集至今薄海知

王裒痛父冤遂斷榮進志坐亦戒西向賁恨甘入地稽
康亦枉誅紹乃踐高位侍中血濺衣殉主死弗避一孝
而一忠千載兩難企若權輕重間明發有不寐寧將蕩
陰血滴作蓼莪淚

李密勸元感勿頓兵洛陽及其自起事亦戀洛口倉東
之匡復日旣斬五六郎將遂夷諸武何又善刀藏後皆
以此敗失勢身落阱將毋旁觀清當局昧所警是以應

變才決機在俄頃英雄謀貴斷菩薩進須猛斬草必除
根繫狗當繫頸

東坡遺詩文孝宗最慨慕乃其身任日隻字亦禁錮考
亭倡正學爲世詬厲具歿後遭理宗追崇等帥傅相隔
數十年飄瞥如旦暮使其兩相值身且黃金鑄需殷遇
偏疎人事每錯互何哉賦子虛竟邀九重顧乃知馬相
如實千載奇遇

袞袞趨勢徒乞憐權貴側上壽千黃金修贊雙白璧猶
恐未得當屏息伺顏色一笑非常榮偶怫終夜感使其
將此心事親供子職但須十一二大孝已莫及何爲舍
所生去附勢炎赫所得能幾何奴顏婢其踪

水不言而濕火不言而燥猛虎在深山藜藿莫敢蹈乃
知品有真無煩自表暴祖思來問佞毋乃已所召暮夜
能卻金何如金不到

刻苦進修處今不如古人古不如今處華腴樂其身食
經傳內則淳熬已稱珍後來口腹徒人乳且蒸豚帝王
有玉杯詫爲亡國因豪家珊瑚樹七尺高嶙峋嗚呼風
會趨日異而月新但覺古人陋窮眼如村民

百年苦易滿童耄去其半中有數十年夜復分我旦而
此旦旦中遂爲賢愚判古人身在世同此迅掣電乃其
所豎立千載炳穹漢後人來視今又作古人看旣將爲
古人何者可不爛撫躬自循省能勿背浹汗

再到揚州遊紅橋

兩年不見廣陵春
依舊紅橋景色新
並舫笙歌垂柳岸
隔簾金粉畫樓人
履綦有跡重移屐
詩壁無紗半沒塵
風物不殊人漸老
豈宜長作浪游身

過淮哭晴嵐老友

攜手河梁僅隔年
荻莊亭館故依然
重來風雨聯牀地
淒斷江湖載酒船
白首交游同輩少
青門文采後人賢
定文敬禮猶遺命
忍惜挑燈仔細編

令嗣蔭堂以君遺稿
屬定謂臨絕遺言也

相逢

相逢猶作少年行
西抹東塗已不成
老去佳人思昔面
怕聽人喚阿婆聲

映坐標姿玉不如烏衣裙屐氣軒渠鄙人老不知時務
只道郎君總讀書

張荷塘明府訪余揚州不值留詩集見貽邵寄

枉訪偏相左瑤編荷見貽官爲強項吏詩比折肱醫聲
氣三生癖江山六代奇何當一握手各慰十年思

義門猶百忍君家已七世同居仕路只孤行自是能持法非關好

立名賜環

恩命重脫屣宦情輕從此登臺閣風稜已宿成君爲上元令以杖責

贊郎被劾奉
恩旨仍復官

心餘第三子師退來謁少年雋才英英欲發心餘
爲不死矣感賦

猶記荷衣出拜時廿年重見有餘思祥琴轉瞬初除服

宿草關心未刻詩

心餘詩稿
尚未刻

死有佳兒應瞑目去爲才鬼

又撚髭

然字正字通
有平上二聲

虎賁曾動中郎感况對王家玉雪姿

題蔡呂橋進士江樓喚鶴圖

漢江千里到揚州聊喜烟花慰薄遊此地已無堪跨鶴

西風回首武昌樓

松坪足生熱癰未愈近復火燒旁舍數間詩以調

之

不如意事攬幽居恐是閒心熱未除防我嗜癰先傳藥

爲君賀火未燒書知無搔癢仙娥爪好結臨流隱士廬

君欲於燒
處開池

計日秋風掃殘暑癢痕灰迹總無餘

寄畢秋帆制府六十

幕府長筵介壽卮，恰逢使節漢江移。
幾人科第名能冠，廿載封疆髻未絲。
大雅有輪扶氣類，仁風在扇活瘡痍。
從知景福如川至，正是觀濤八月時。

公生辰八月十八日

東華珥筆記同游，獨際風雲展壯猷。
雅量千秋追謝傅，高名四海慕荊州。
躋堂父老盈觥酒，作頌賓僚滿屋籌。
近日狀元多宰相，佇看枚卜協金甌。

子才書來有松江秀才張鳳舉少年美才手繪拜
袁揖趙哭蔣三圖，蓋子才及余并亡友心餘也。
自謂非三人之詩，不讀可謂癖好矣。書此以復
子才，并托轉寄張君。

唐初詩人各標置品題乃定旗亭妓千年佳話復見今
不是女郎是佳士蓮花如面好風姿香草題詩艷才思
拜袁揖趙哭蔣君手繪成圖供去聲清閨衛軍同日進三
公敬則武夫出不意老韓合傳縱被嘲亮瑜並世豈須
忌得君一揖已足幸敢望五體俱投地我觀李杜兩大
家吹臺同遊早結契青蓮落落賦飯顚少陵惓惓慮魑
魅當時聲望李獨高後世才名杜寧次貴不可卿賤乃
卿人心何容設軒輊獨羨隨園文字交福比香山白居易
居易名先元九齊晚更劉郎觴咏繼遂稱元白及劉
白陽五伴侶隨時異翁昔買鄰有心餘近復把我入林
臂前呼袁蔣後袁趙怡與醉吟同故事舊遊已記三徑

開新知兼數一樓倚天生詞垣兩後輩似爲此翁助聲
氣張郎作繪定可人雅尙所存非漫戲繡絲已肖平原
像聞笛兼下山陽淚三分鼎豈吾所堪一瓣香知渠有
寄座有揖客自增重我亦本非折腰吏

錢璵沙方伯爲余十科前輩余入詞館方伯已歟
歷於外未及一謁也今致政家居不知從何處
見拙集謬加激賞輒成四詩從子才處轉寄通
懷宏獎令人想見前輩風流而八十老翁才思
橫溢尤所未見也敬次原韻奉復

星辰履不到三台爲愛煽爛戲老萊

公年七十餘以終養歸里

館閣我

怪投刺謁湖山天許掛冠回圖書左右千秋業領袖東

南一代才霖雨蒼生心事了名山一席又分來
韻語何關著述身柯亭蒙賞亦良因不曾見面成知己
如此關心有幾人書幌一燈吟夜雨詩筒千里寄郵塵
始知老輩通懷處柴枯俱歸藥籠春

耆舊聲名碧落雲十科前輩敢同羣擬從顏士稱夫子
翻辱曹公說使君年老好尋絲竹樂才高應勉鼎鐘勲
笑公二者何俱澹只愛吟詩寫練裙

江國相望兩草廬履綦隨處澹容與前途富貴雙蓬鬢
末路英雄一卷書老樹著花逾旖旎曉星如月漸稀疏
終當一櫂來修謁花港同觀策策魚

附
原作

錢
琦

忽墮文星下斗台
聲華籍籍冠蓬萊
探花春看長安
遍投筆身從絕域回
風雅名誰爭後世
乾坤我欲妬
斯才登壇老將推
袁久不道重逢大敵來

問是仙身是佛身
荊州一識竟無因
漫論館閣叨前輩
合讓風騷作主人
李杜光芒新日月
歐蘇丰骨絕埃塵
幾回未敢輕開卷
先釀薔薇玉露春

祇隔吳江一片雲
兼葭瑟瑟鴈羣羣
誰憐白髮猶留我
昨夢青燈似訪君
八斗才分曹子建
三生詩寫杜司勳
何緣乞與新排纂
書破榴花十幅裙

我傍西湖小結廬
何期君亦賦歸與
驚看慧業先成佛
恨不前生多讀書
一日三秋空悵望
百年萬事坐

粗疎祇餘結習難除盡垂老臨淵尙羨魚

偶得蘇黃二帖戲題

寂寂重門自落花昔人鼓吹取鳴蛙今朝齋閣添生動
石壓蝦蟆樹掛蛇

兕觥歸趙歌

觥爲吾宗常熟文毅公劾江陵廷杖出都時許
文穆贈行物上有銘詞所謂文羊一角者也後
流轉於黃端伯陳潛夫章藻功何蕤音諸家近
又在曲阜顏衡齋處翁覃溪詹事以告文毅五
世孫者庭者庭將以玉杯易歸而乞覃溪文爲
乘韋先并遍丐諸名士作詩張之以要必得余

故者庭父謹凡先生門下士且羣從行也不可
無詩爰爲作歌

相公父死宜歸哭相公不歸門生促白簡纔上赤棒來
午門前濺書生肉柴車一兩削籍行良友贈之青兕觥
神羊一角理沉黜銘詞親鐫鐵筆鏗葵勺班中一禮器
朋酒絲衣肅賓祭胡爲翻入鼎臣裝率彼曠野竄榛翳
緣知餽贐寓意深要寫觸邪力最願當日權門勢炙手
虎豹當關誰弗避奪情疏忽出延陵削牘繼之亟奮臂
薛孤延與霹靂鬚髮俱焦呼震地拜杖并不嚙蚬蛇
家有渾身膽堪試此段錚錚百鍊剛伉直豈惟杜黃鰥
一株犀角斲成杯恰肖透骨冰霜厲是宜什襲逾瓊瑤

長與腊齒藏宗祧何年流轉出入世主雖屢易器尙牢
頗聞魏公傳家笏近傍顏氏陋巷瓢神物將歸有先兆
邂逅覃溪爲介紹考古已同金石訂覃溪先有
駢辨一篇數典兼向
雲初告吾宗世德推常熟文毅後人稟庭誥祖劾江陵
孫武陵文毅孫士春崇簡中
又劾楊嗣昌奪情青史一家兩炳耀者庭今更念先
緒誓返故物弄家廟已琢玉卮爲厚償復乞椽筆作先
導杖瘡忍痛祖宗烈捲澤興懷子孫孝此意應蒙觥主
憐會見完璧速歸趙

和者庭見贈韻兼祝其七十壽

青史家聲二百年倚樓才調又承先昔曾同侍談經座
君昔隨諸凡公官舍
余入謁每同侍講席老各歸吟擊壤篇先世笏等顏巷內去思

碑滿汶河前

君嘗舉汶上

與君白首爲兄弟好比茅家共學仙

十月九日周小濂買菊千株邀同齋生暨葉芝山

毛泰交爲展重陽會卽事

展重陽會到君家紅紫駢羅十萬花秋學春華爲爛熳

蘇兼揚俗倍豪奢

君蘇人僑寓揚州

明燈燄奪三更月錦幕光浮

五色霞欲笑柴桑太寒儉幾叢冷藥傍籬笆

揚州晤王露仲同年喜賦

此會非非想初聞尙覺疑跡分千里遠別已廿年期館

閣懷簪筆江湖老釣絲欲言千萬緒相見轉無詞

一晤已非望遑期更對牀交游徵士頌年輩丈人行聊

藉三杯暖多留一刻長臨分何所囑書尺好頻將

卽事

虛窗一縷篆烟清
閒聽飄風過耳聲
曾子殺人幾信母
不疑盜嫂乃無兄
犢藏燕石何須笑
壁挂龍泉每好鳴
輸與道人多定力
滿杆黑白不分明

野步

峭寒催換木棉裘
倚杖郊原作近游
最是秋風管閒事
紅他楓葉白人頭

甌北集卷三十三

己酉庚戌

陽湖 趙翼 雲崧

野步

幾夕東風送好春，錯疑天也愛粧新。
看他桃柳爭妍處，絕似穿紅著綠身。

攜兒姪五人俱至安定書院讀書

客授仍攜子姪多，館人先爲掃庭莎。
我慚穎士稱夫子，人笑承天似嬾婆。
一味分甘忘旅食，半窻拈韻有清哦。
如何身自誇恬退，偏望兒曹早決科。

瓜州江上遇欽齋制府歸樞，哭奠以詩告別，纔春暮哀音到，及冬勤勞軍事，歲贈卹。

主恩濃身遍八州督官還五等封

奉旨給還昭信伯爵

飄飄丹旄

返江上泣相逢

胸次有千卷目中無一人面常寒似鐵髻已白如銀料

事洞觀火防奸濕束薪生平師太岳或果是前身

公嘗慕張江陵

之爲人

人情憎貴倨

帝眷鑒精誠久擁八騶唱頻驚五鼎烹

公兩入詔獄

賜環無

喜色仗節又威聲海國終資奠功收赦孟明

臨分尙留客爲未了儲胥失我渾身膽催公發背疽

以公

背疽歸艎長路冷贈賻故交疎何限存亡感憑棺一慟餘

紅橋

紅橋重泛木蘭船一片閒愁入管絃
薄命桃花春雨後斷腸芳草夕陽邊
三生杜牧曾遊處前度劉郎再到年
慚愧旗亭歌板好美人猶唱白雲篇

遊秋雨菴慧安上人以詩冊乞題率書

稱詩得方外不作老禪枯偏有驚人句
疑非學佛徒繞菴佳竹本映座秀眉鬚
從此已公屋常應來結趺

桃花

正是桃花滿洞開春遊偶誤入天台
仙家也自貪年少笑我何爲老始來

賣文

賣文錢稍入怪囊欲破休糧秘密方
揚子江中水雖淺

省他一勺亦何妨

送漕使項豫齋光祿還朝

郵籤早訖轉漕功絳節還朝
五月申笳鼓兩隄前馬
隊帆檣千里相烏風使星漸遠黃河北卿月遙瞻紫殿
東喜有壁紗留好句長令人說項斯工

江鶴亭輓詩

鬚髯皓白地行仙領袖淮綱數十年身列卿班榮組紱
家邀

帝輦憇林泉鄭莊好客常盈座卜式輸財爲佐邊今日

康山亭館冷忍來重聽琵琶絃

酬齋生郡博見贈韻

時擬分體重編拙稿齋生代爲訂正

力不能千仞鑿山通功不能九年而壁窮三錢筆作千
古想原是天地一愚公甌北老生好吟者墨瀦淋漓快
奔瀉作詩不到古人處正坐貪多難割捨晚知拮據百
無成設版擬築焦瑕城十七史從何處說時已秋穫方
課耕先生鑒裁擅隻眼苦心肯爲披沙揀不辭格倭作
諍友要証千年鐵門限編成更贈琳瑯篇榮逾四明呼
謫仙深源幸免高閣束后山翻托瓣香虔古人著作不
容贅堯典舜典供點竄化工著色真妙手紅霞一染半
天爛堆盤火齊光眩眸于將出匣萬鬼愁長鯨尾掉碧
海動大鵬背負青雲浮我於其間敢充數食蓼搬薑祇
默喻曉粧顧影枉自妍未足招他尹邢妬感君謬許爲

傳人牝牡驪黃賞有神用李諧短吾技淺藏魏公拙君
意真獨慚耄學昧雌蜺炳燭餘光徒勦說少年精力不
焚脩垂老方覓燒丹訣

附
原作

李保泰

文章運與天地通一番開闢思無窮神慳鬼瞰祕不
出前古後今歸數公雲松先生今健者崑崙盤鬱銀
河瀉雄氣欲翻鸚鵡洲拚得車前八騶捨三十卷詩
編年成傳觀不異壁連城殿頭班馬盛著作田家儲
王述歸畊未論千秋先隻眼糝糠簸揚砂礫揀天吳
顛倒體重分才大何止八斗限許渾庾材窘數篇七
言况復困謫仙學成八面縱橫敵難并美具神尤虔

春秋本非游夏贊呂覽誰容賓客竄先生雅意珍芻
蕘寶光巖電閃爛爛晃眩五色劣容眸朔風凍雪寒
雲愁高歌半夜萬籟息元精一一字上浮疾徐淺深
殆有數甘苦酸鹹惟默喻殺青更換面目奇死蔣心
餘生袁子才定遭妬名家當代凡幾人斯文不朽最
入神偶然造化泄真宰長庚睽睽星向晨王筠未辨
沈約霓阿難慣聞如來說寶山長惜空手回換骨還
從授仙訣

武林黃翠箇自閩中寄書索題滌硯圖爲書一絕
句

五千里外索題真信是人間交有神親拭陶泓濡墨如

爲君同是硯田人

松竹陰中課小胥教攜老瓦滌清渠自因落筆多新句
不肯輕將宿墨書

贈運使鹿馥園

職方遺績史編摩

公先世職方郎名善繼爲孫高陽軍前贊畫見明史

繼起名賢理海陲

光弼聲名旗幟變士安轉運舳艫多一江水隔猶歌袴
公別駕萬籠烟濃競煮波試手鹽梅展康濟璇霄元鼎

待調和

送運使倉恕亭致政歸里

遂初榮拜

主恩新爲念賢勞許乞身從此釣遊多暇日古來出處

幾完人家鄰洛社堪攜杖澤在邢江已刻珉祖道東門
車馬溢早聞嘆羨遍儒紳

三品官班七秩筵昇平人瑞地行仙十年花月揚州路
一棹圖書汴水船香滿階蘭籠綵服春生池草引吟箋

謂令弟
編脩君

遙知笠屐清遊處團扇家家作畫傳

題洪稚存寒檠永慕圖

慈母機上絲孤兒案上書併入寒檠影映壁光黝如此
是景盧舊流寓老屋三間白雲渡卽今青燐一炷燈化
作萬丈光芒吐著書藜照太乙分博物犀然百怪懼幕
府銀缸供草檄鎖廳椽燭待奏賦此檠好棄牆角邊偏
寫殘輝誌哀慕覓火常思束縕時映窻肯忘燃糠暮非

是母不生是子始信義方教有素我來買宅雲溪濱君
已別移通德門里中老嫗尙能說君家篝火連朝燉悔
不早遷依孟母師他家法教兒孫

偶得

羣木日夜長年深且千霄人若同此例可埒喬木喬胡
爲七尺軀不能再增高造物有深意維人最雄梟若縱
使昂藏倖作長狄僑將何所不至騎危俯麗譙是以限
成格不得踰曹交子齒則去角同此一鈞陶

晉初取建業宋初取錢塘奪地以自廣毋乃心不良豈
知易世後失國投無方翻藉茲一隅偏安立朝堂使當
開國日忠厚存鄰疆至此轉無家何以延垂亡乃知報

施理天咫亦渺茫毋怪攘竊徒一意恃力强

郊外見殘菊

黃葉江村木盡凋尙餘冷艷耐商飈有情都作春花去
誰與秋容綴寂寥

題柳柳泉春山采藥圖

烟月揚州久住家偏思采藥向幽遐平山桃杏應相妒
不采園林一朵花

春風暖拂袷衣輕想見蕭閒蠟屐行一樣長鐙入山處
有人雪裏刷黃精

吟薌歿於京邸其子孝方扶柩過揚廿年老友遂
成永別憑棺漬酒不自知涕之無從也

歸樁來千里嗟乎我瘦銅字君神清如叔寶詩峭學涪翁

偕隱言猶在聯吟願竟空長安重回首曾共一燈紅

久趨薇省直終乏草堂貲死有飛蠅弔生常借馬騎又

停方朔米誰斲蔡邕碑稍幸名山業刊成廿卷詩

聚散真難測交深會忽慳幾年同硯席一別邈河山官

閣論文罷蠻江送客還豈今纔永訣廿載隔容顏余在廣州時君

來數月別後遂不復見

平生數交契張蔣最綢繆忽忽俱黃土茫茫剩白頭招

魂悽欲斷顧影邈無倚嘆逝兼悲老彌催暗淚流

題程吾廬小照

買宅淮陰郭外村手營別墅足邱樊高情偏憶先疇好

不爲新園寫故園

君猷人而家於淮諸
乃其故鄉翠山景也

絲竹中年興不孤教成歌舞足清娛可應添寫梨園隊

補作花間擬笛圖

家有梨園小
部最擅名

白秋齋總戎輓詞

擁旄江國幾經春威在軍中愛在民官好境常無吠犬
時平功豈必圖麟老爲林下鋤瓜叟歿有碑前墮淚人
太息衰年惟此友更誰茗椀話蕭晨

廉船老友不見者三十年矣茲來昭揚州流連旬

日喜其來而又惜其將去也斐然有作情見乎

詞

卅年前共踏京塵別人形容認始真風雨雞鳴逢故友

關山馬跡老才人翻來近作還吟興話到同遊一愴神
已分此生無見日相看彌覺白頭新

少小論交志激昂便思翔步到天閭誰知山匣千將氣

都倦登場傀儡裝敬禮定文期後世君爲編訂拙集正平懷刺向

何方將花祇應互祝加餐飯長聽平安有報章

附至廣陵喜晤甌北

張舟

卅年岐路恰離羣忽漫相逢淚轉紛日下貧交餘有
我人問勇退孰如君簫聲何處尋三振明月偏多占
二分爲洗客塵慰愁緒天涯聊借酒顏醺

讀甌北集題贈

頭黑歸田雪半簪閉門時作瘦蛟吟險真破鬼應寒

膽奇必驚天欲嘔心薦達當時輕狗監賄求他日重
雞林如何一管生花筆只向江淹夢裏尋

扛鼎龍文氣食牛珊瑚鐵網更縋幽何人許易千金

字有兩能輕萬戶侯瑜亮生前真勁敵心餘應劉逝後

少同儔心餘吟菊
俱下世故交剩有寒郊在石鼎城南與唱酬

次韻留別

碧玻璃澣白衣塵來訪高軒舊季真作郡何勞還笑
鬼工詩未必盡窮人雪泥鴻踏都無跡風水萍逢信
有神料待欄川裴廸到右丞集附幾篇新

萬里曉波羨子昂依人我愧入金閫秋帆中丞囑
遊靈岩山館早知

不擢羅橫第也肯來攜陸賈裝君宦廣州
時子不往將相酬恩原

有志神仙辟穀竟無方琅函書寄衡陽鴈可抵昌黎

薦士章

時方爲余作書
教秋帆制府

青陽陳豹章秀才訪余揚州詩以贈別

廣陵春老柳絲風千里相逢陳孟公家近青蓮流寓處

君來九
澤山下

詩叅摩詰畫圖中清遊邗上三分月小隱池陽一

畝宮九朵芙蓉青在望可能頻爲寄郵筒

樹齋大司馬述菴少司寇奉使秦郵扁舟往晤流

連永日別後却寄三十韻

老懶寡送迎忽焉沂淮浦難得雨使星皆是我舊雨一

見不可無別緒要傾吐憶昔共樞曹趨直日接武踪跡

負蜚蜚意氣食牛虎神索夜草箋朝靴曉踏鼓退直偶

得暇餘勇尙堪賈催詩走竿牘折東祈尊俎徵逐豈厭

頻諧謔或致侮人間朋遊樂此可入畫譜宦轍一朝分

相望萬里阻使節漠南庭樹籬展鎮塔爾巴哈台等處价藩日北戶連藩布政雲南

勞深官亦高雲霄果簪羽開府門列戟馳傳吏負弩卽

今兩名卿天下仰台輔而我早歸田一編守環堵不敢

尺素通爲慚在塵土却荷故人誼屢書問良苦今朝獨

何緣握手甕湖許五色蕩雨來似爲茲一聚乍見看鬚

眉深談罄肺腑巢痕緬鎖闥履聲憶丹廡陳蹟宛猶昨

舊交已難數當時列仙班半入點鬼簿天留我輩在要

作秋容圃升沉途雖分衰晚力須努立言有名山策勲

有盟府在朝與在野均貴桑榆補名恐湛輦同功肯贈

等伍皓首各勉旃相期在千古

題褒忠錄

郝景春江都人明崇禎中爲房縣令時總理熊文燦撫賊安插羅汝才白貴黑雲祥等於其地卽所謂曹操小秦王整十萬者也張獻忠反穀城汝才等應之城遂陷景春及子鳴鸞僕陳宜俱死揚人輯其事爲此錄

房縣城頭殺氣黑死聲入鼓鼓皮裂一片刀光滿地腥頸血如湯浴鐵熱臨危殉節豈所難所難與賊共彈丸先是寇氛猶未熾封疆失計在招安守臣主勦不主撫總理令來誰敢阻可憐小邑萬山中分挿賊營十四五

大吏以縣爲鄰壑醜徒視城作外府卧榻旁偏睡有人
窮山坐乃衛以虎是時勢已養癰成制客兵須仗主兵
問道乞師百不應獨教一木去支傾一朝賊魁鄰縣起
此地羣兇盡發矢殘黎二百急登陴分堞當衝半餒鬼
陰風一刮立不牢城頭亂落如飄葉享士并無妾可烹
簽兵已嘆民皆死雉樓月暗燈無光緣梯萬巖上女牆
賊願得城活君命君拚捨命隨城亡嗚呼臣死國子死
父僕死主一門忠烈入汗青碧血斑斑照千古想見強
魂作鬼雄不屑人間淚如雨

秦敦夫編修得其鄉先輩汪蛟門少年三好圖長

卷題句者孫豹人杜于皇施愚山梁清標尤西

堂朱竹垞陳迦陵諸人皆在焉亦近時一名蹟也編修來屬題爲書於後

蛟門三好書音酒尺縑繪作荒淫藪吹簫度曲皆嫵媚

展帙催杯亦姿首一時才士盡留題百餘年落秦郎手

前丁未到後丁未

蛟門康熙丁未進士
敦夫乾隆丁未進士

楚弓楚得事非偶摩挲

重是名人蹟又爲徵詩欲垂久少年狡獪吾已厭豪士

放誕君勿取古人此樂亦有方鄴架圖籤埒二酉東山

絲竹遣中年綠野壺觴娛老壽要皆餘事傳風流豈此

歡場便不朽君今修途方發軔何暇徵歌醉花柳聲華

再世繼蓬瀛

導人西巖先
生王中節選

數歷他年竚台斗此卷偶存前

輩謂或恐虛擄本烏有閒情莫寄一瓣香遺蹟聊享千

金帚

題敦夫調鶴坐花圖

臂蒼鷹太豪武調綠鸚太媚嫵是何人坐花塢撫雙鶴
翩以舞年正少春方煦花紅苞鶴素羽相輝映兩栩栩
緱嶺仙此其伍

送曹竹虛大司農以慶祝入都

儒臣優遇冠朝端得請循陔咏采蘭一品歸來親尙健
九如入慶

帝尤歡巢痕劍履層霄迺法曲笙歌湛露漙溫室從
容頻晝接寵光彌慰北堂餐

附見酬之作

曹文植

廣長舌自在毫端勢若層波氣若蘭甌北一編吟已
熟閩南二卷見尤歡柳營蓮幕持籌倚粵嶠黔雲被
露溥樂育卽今開講席風人仍不素殮餐

哭錢璵沙先生

不曾識面荷推袁此意真令感弗諉碩果在教生並世
東芻仍欠死登門八旬人尙江淹筆二品官無庾信園
不哭先生復誰哭從今老輩更無存

同年胡豫堂閣學視學江南相見話舊賦呈

三十年前共館閣薇省花磚履交錯三十年後重相逢
公作名卿我老農感公不隔同年而尊酒留髡恣談醺
此日雲泥尙弟兄當年閭閻如親舛

在京時兩家內子相往來
今公夫人及令子俱歿

話舊重添骨肉傷撫時各歎鬚眉變鬚眉雖變亦何悲
丈夫出世要有爲如公遭際最堪羨獨以精白結

主知子公氣力能援進公於權要不通問彥昇晚節爭
詩名公於壇坫不角聲廻翔散地無營競十年偏屢持
文柄似水心懸物論平無花眼在文風正陸氏莊前豈
問荒孫山榜外俱安命九霄月旦品題高一代斗山聲
望負致身至此亦足豪報國文章功已炳愧我辭榮太
作顛早拋簿領守丹鉛乘軒野鶴知無分舐掌孤熊祇
自憐只慚如此昇平世徒把精神耗一編

題靜嫺女史自寫秋山讀書圖

靜嫺吳姓
嫁黃履岳

天壤王郎恨事多美人才子只鷗波人間又有神仙侶

婦寫生綃塢作歌

園中有賢夫題句

只寫林巒不寫顏恐教省識到人間誰知我已窺眉嫵
一抹烟痕有遠山

題元遺山集

身閱興亡浩劫空兩朝文獻一衰翁無官未害餐周粟
有史深愁失楚弓行殿幽蘭悲夜火故都喬木泣秋風
國家不幸詩家幸賦到滄桑句便工

周小濂輓詞

誰遣多貲擁而能好句拈年華猶未老才福本難兼有
母翻營禩無兒可寢苦故應臨歿日愁鎖兩眉尖

燈下翻閱瘦銅詩集

重讀吟薌稿一編故人彷彿見燈前喫殘蘘粥支寫冷
嘔盡心肝博句傳春夢婆難言富貴秋墳鬼或唱詩篇
依然夜雨聯床景君已長眠我獨眠

當年京邸只填詞鏤月裁雲擅一時方朔三千曾滿牘

達夫五十始爲詩

君昔寓余京邸但以詞壇場及訪余廣
州回始作詩故集中首卷卽海南集

髮猶未禿

催雙髻髭本無多剩幾絲今夕賞心如對面嗟君可亦
九原知

生不公卿肯便淪力求傳世作詩新探珠驪睡幾拚命
脫殼蟬蛩共出神地下黃壚應話舊詞心餘墓前青草又經
春只催老淚乾枯盡慣向人間哭故人

汪秀峯駕部過訪寓齋賦贈

暑窗卻掃靜烟蘿忽喜汪倫歎戶過老友應劉京國少

亡友心餘瘦銅皆與君交厚

才人王李部曹多江湖風過知名姓笠屐雲

遊恣嘯歌幸得相逢何恨晚劇談不覺舞婆娑

跌宕名場五十春髣髴雖白尚精神結交及見諸前輩

厲樊榭杭莖浦諸公皆君少年社友

刻集能傳衆美人

君刻摘芳集選本朝閨媛詩已八十卷

架有

賜書籤勝鄴

四庫館徵天下書君所進至五百餘種上以其能藏書特賜古今圖書集成一部

篋多古印篆

探秦

收藏古銅玉印數千或印譜百餘卷

祇應此福神仙如何許人間自在身

題子才續齊諧小說

一編點鬼簿荒唐更爲香魂寫艷粧神女夢爲雲引誘

素娥奔竟月窩藏文人自戲禪三昧陰府將持算九章

我爲懺除犁舌獄佛前稽首一爐香

寄晴沙

露冕猷方壯，循陔跡早還。詩兼雙井派，家傍二泉山。雖
覺顛毛白，猶欣綵服斑。遙知色養暇，蕭灑有餘閒。
我亦離塵事，深愁染素絲。早爲鴻羽漸，怡共虎頭癡。問
雨隨農父，臨流作釣師。江湖須我輩，歌咏太平時。

晤錢竹汀宮詹話舊

握別京華廿五春，相逢彌覺白頭新。手成百卷專門學，
身是千秋刻傳人。海外購書來賈舶，門前著錄遍儒紳。
故交也得餘光乞，一序三都價便珍。

承惠拙
集序言

研摩結習自諸生，館閣歸來業益精。兩漢淵源劉貢父，
歷朝金石趙明誠。胸懷人喜披朝爽，目力天留禁夜明。

君入夜則咫尺不能見晝視則察秋毫也

樽酒論心同一笑傳人未必盡公卿

贈已侯譚紅山

印牀紅映百花開樂只歡聲頌有萊他日定膺循吏擢

多年無此好官來一杯清飲江南水滿路香傳嶺外花

互作部民難比較迂疎那及濟時才

君廣州新會人余昔守廣時君方爲諸生今幸吾邑

余又爲高良

皇上八旬聖壽恭紀

虹電祥光耀大瀛

八旬聖壽際昇平祥開地久天長節歡溢山呼嶽拜聲

十賚文多看屢錫七籤笈滿又重更史書翻遍無今比

普集繁禧助慶成

神功聖德筆難陳敬在高穹愛在民壤賦幾回全

詔免

郊禋每歲必

躬親縹緗四庫書三校河海雙堤 駕六巡五十五年

如一日固應弗祿自天申

雄圖廣運靖戎蠻暨訖真看遍九寰翠掃人過蒲類海

封新到繖圓山

安南山名見明史張輔傳

枕椰夜雨連銅柱楊柳春

風度玉關總是

恩威協天處羽干柔遠斧誅頑

但從

御極紀春秋已過梁唐晉漢周

後五代僅五十四年

揮翰尙

傳金翅膀 據鞍時馭玉驄游芝苓不覓天台藥蓬闌

遙添海尾籌信有

至人凝命永共天行健自無休

二千年內只三朝

三代後人君年八十者惟梁武宋高元世祖三帝

還遜吾

皇景運遭重譯萬方胥象表一堂 五代袞龍袍屢豐

比戶倉箱滿偃武多年弓矢藥都是昇平極盛事璇岡

鴻福接天高

行都先敕綺筵開漠北諸王進壽杯膜拜共尊天可汗

唄音齊頌佛如來仙韶樂奏班行肅王會圖成版宇派

添个朱萸新國主日南花又上林栽

熱河行宮先嘉禾古諸王而安南國王阮光平亦趨聖

鑾迴絳殿舉鴻儀多少鷓鴣集玉墀露湛欄苒千斛酒

香霏月桂萬年枝金銀宮闕仙人島錦繡江山織女絲
此景古來曾幾見有生真幸及昌期
豈徒京國祝釐虔巷舞衢歌遍海堧燈火樓臺城不夜
琉璃世界月將圓軒輦曲裏長春景紉縵雲中復旦天
見說靈椿八千紀如今八秩尙初筵

題王少林郡丞松石間小照

相君面合在巖廊廣額豐頤食萬羊誰置幼輿邱壑裏
畫擬或是顧長康

皮相由來不可拘列仙未必盡臞儒君看彌勒皤其腹
偏向名山坐結趺

正塘南回謁我於揚州喜贈

一十五年纔一見見來又隔十年面今朝何幸得相逢
握手却驚顏貌變憶君二十登蓬瀛千將出匣千人驚
傷節掄才半天下新陰桃李多豪英分得餘光到裴皞
門生門下見門生改官柏臺筆如帚白簡威聲震朝右
瘦羊官乃索肥羊合口椒難禁開口立仗馬鳴雖可怪
蹲池鳳喋實所醜君勅司業某索賄事人情欲比王拱宸臣力尙慚
朱伯厚呼嵩禮卑乞身歸金爵觚稜莽回首書生命不
到公卿且擁萬卷當百城他人去官便無事我輩官外
尙有誓死後榮名生前福二者未知孰重輕老夫年來
效喑啞白首掩關同調寡舊交已看零落盡後生又以
老耄舍君來頓覺起我衰豈但離懷得領寫敢從行輩

說後魚先比旌麾有前馬
轡材遣向文湖州雲氣長從
孟東野東南吟社自此開一
笑人間誰健者

法時帆學士素未識面遠惠
佳章推許過甚愧不敢當敬
酬雅意

聞名猶未面神賞荷孫陽世
有此知己吾難作報章何當
攜手共豈敢賭身強五字長
城在精嚴逼盛唐

附
原詩

法式善

吏治海南盛詩才甌北強江
湖閒嘯咏天地大文章

下筆有袁蔣子才讀書無漢唐
東坡在門下正公不愧

歐陽

心餘詩已刻於京師謝蘊山
太守覓以寄示展開

累日爲題三律

邢尹同時要比妍今朝得睹豹斑全死疑靈運先成佛
生本青蓮是謫仙才大已推香象渡名高久壓野狐禪
凌雲意氣談天口彷彿音容尙眼前

談忠說孝氣陵嶮卅卷詩詞了此身於世僅增倉一粒
斯人已歿弩千鈞三年刻楮成何事六博呼盧大有人
太息儒冠真自誤可憐無補費精神

蓋棺難更句雕搜後死應堪勝一籌歎我亦將成弩末
比君仍未進竿頭生前遊跡餘鴻爪老去名心付貉邱
詩草兩家俱在世不知他日孰長留

予才到揚州預索輓詩戲和其韻意有未盡又增

二首

薤露如何可預支
渡江來似別交知
得詩恐爾真歸去
不覺低徊下筆遲

年壽何人不祝延
怪君撒手獨超然
可應舊籍樵陽在
謫限完時又作仙

君果飄然去返真
讓儂無佛易稱尊
只愁老境誰同調
獨立蒼茫也斷魂

生平花月最相關
此去應將結習刪
若遇麻姑休背癢
恐教又罰到人間

修短終須聽太空
莫將殘錦散諸公
還防老學菴燈火
絆住山陰陸放翁

附原作

袁枚

久住人間去已遲
行期將近自家知
老夫不肯空歸去
處處敲門索輓詩

輓詩最好是生存
讀罷猶能飲一尊
莫學當年癡宋玉
九天九地亂招魂

休怪斯人萬念空
一言我且問諸公
韓蘇李杜從頭數
誰是人間七十翁

甌北集卷三十四 辛亥

陽湖 趙翼 雲崧

西塘前輩七十壽詩

燈節纔過月未斜長筵燕喜泛流霞廿科臺館真前輩
兩世蓬瀛有幾家稷下荀卿推祭酒城南韋曲擅名花
新買別業在城南 稱觴恰好添佳話桃李門前到使車
巡撫查映山為公門下士

帝識臣家住舊城讀書氣味老逾清和詩不肯為降將

飲酒常嫌對老兵
每與同人酬唱必數語近又謝楚宴會皆實事也 九曲汨猶歌惠澤

前曾觀 二分月每助吟情蒲輪故事看他日會見耆儒對

通英

參見完婚

龍圖交輝又一時男婚已畢女猶遲如何垂白龍鍾叟
頻向名山展限期

咏火

五行性各殊惟火最英烈遇剛必柔之汁金而灰石又
使柔者剛淖泥炙成甕所秉只陽明陶鑄見神力古來
豪傑流誰不本此德不爾當艱鉅何以有豎立奈何世
風趨脂韋日成習徒誇圓而神已愧生也直所以有志
士耿耿一腔熱與爲劉棉彈寧作石爆裂

忽夢鎮安舊遊

廿載蕭閒林下身何緣重夢日南春山多盤古年間樹
俗是華胥國裏人朱邑葬桐垂後約歐陽思穎記前因

只慚我自難忘處未必民猶念我頻

借兒衣見客戲筆

我性愛樸素尙有官時衣兒輩偶出門或來借一披及
兒旣婚娶各裁紅女絲我出揖貴客乃反一借之俯仰
十年間奢儉頓異規家風已如此家運概可知

遊隨園題壁

名園欲訪屢愆期到及梅花正滿枝惟恐長爲門外漢
將來親賦畫中詩林亭曲折文人筆牆壁淋漓幼婦詞
名滿九州身一空輞川莊遂屬王維

錯請憑何粉本摹危欄絕磴路縈紆峰迴巧作東西崦
水複流爲裏外湖喬木十圍人共老名山一席客爭趨

問渠何福能消受四十年來住畫圖

謁補山制府奉呈

三江行省駐蜺旌

帝爲南邦簡老成令肅百城無墨吏官高一品尚書生
迴瀾力大關風氣霽月光澄見性情騎竹兒童扶杖叟
何人不識玉壺清

歎歷崇班廿載長濟時偉略益恢張潞公精力逾年少
韓尉勲名重晚香地步獨爭千仞壁子孫自有百株桑
封疆入相尋常事要看他年史冊光

鬚髮纔蒼面渥丹天人姿稟世驚看望高已共尊三老
才大疑兼用五官餘事作詩還倚馬殊方著錄有騷鸞

范石湖帥粵時曾著夢鸞錄公宦跡相似故借用之始知佛說神通現樓閣華嚴一指彈

滇徼黔疆忝弟昆雲泥猶荷念寒溫書來問訊皆親筆

話到存亡有淚痕

謂經略傳文忠公

庾信自傷枯樹賦鄭公還訪

浣花村

公過常州枉訪敝廬

趨承能不心傾盡半爲勲高半誼敦

所見

登徒縱好色不愛白髮婆奈何六十翁千金買青娥燈
下見粲者與酣方顏酡豈知對面人已窺兩髻幡芳情
早不屬暗滴紅淚多此復有何歡盡誦斧伐柯

美人風箏

誰家掌上一嬋娟飛入高空艷影翩風送幾疑天賜女

郭陵川集有天賜夫人詩風吹半氏女至梁家爲妻

雲遊不作地行仙尙嫌綵索鞦韆短

漫比朱絲傀儡牽月姊星娥應共語新添好伴絳霄邊
步虛仙子脫塵鞵身駕春風上太微一去如飛疑劍女
任吹不動笑環妃月輪近恰爲粧鏡霞綺鮮仍貼舞衣
當日臺城倘煩汝有闕氏亦解重圍

天路無梯一線通冶遊最好趁春融但愁神女來行雨
恰喜封姨肯借風糊上薛箋身絢爛製成湘竹骨玲瓏
雲霄曳履男兒事何許弓鞋會躡空

嬌姿只合繡幃藏何事凌虛露靚粧豈是飛瓊來下界
不煩窺玉上東牆多情尙繫絲千尺薄命休嗤紙半張
一片夕陽鴉鵲舞也如蜂蝶逐衣香

肉飛煉得幾多年白日昇天謝自然直上似追奔月女

孤行肯逐御風仙方成唾漫驚飛燕微側魂應化點寫
羅襪無塵香界迴雲中君本楚騷傳

五銖衣薄太風流細骨輕軀稱遠遊挽住尙煩紅線手
倦飛或墜綠珠樓尙愁高處寒難忍直恐仙乎逝不留
添个風琴傳逸響珊珊恰作佩聲幽

附和詩

吳錫麒

眼看此身信嬋娟彷彿驚鴻態度翩天末懷時愁渺
渺掌中放出舞仙仙惺忪夢雨三生如宛轉情絲一
縷牽多謝兒童相送起裙腰芳草畫橋邊

蛾眉莫怨受人轡如此吹噓力不微活活雲先迎楚
女珊珊骨亦借湘妃騰鸞細擘留仙縐冲舉新披入

道衣較得西施幾文值
錫簫聲裏看場圍

心事箋天脉脉通游絲
暗裊曉光融沉魚定誤
姮娥影顛鵲翻連少女
風咳唾不爭珠錯落珮
環能響玉玲瓏息肌乞
得神方好撒手居然上
碧空

凌虛何處許遮藏轉側
時呈半面粧玉宇高寒
矜翠袖銀河清淺阻紅
牆旋移霧質迷三里慣
弄霞機賽九張指點雁
程餘字在練裙濃染墨
生香

也如團扇隔經年重曳
東風意渺然千里飛身
前出塞九霄結伴小游
仙翩翹體自輕於燕戍
削肩還瘦似鶯脂粉畫
家塗抹慣清明一幅上
河傳

年華太息逐波流爭得
煙雲幾日遊落拓只防
龍出

骨登臨除是蜃爲樓衙城路遠何從匿月窟人孤未
可畱百丈相思收線早夕陽春掩小門幽

吳門晤西莊竹汀

握手相看鬢各皤那禁老子此婆娑後來良晤知猶幾
海內名流漸不多世以博聞推敬播天畱微疾養維摩

二公皆有目疾

朋簪最羨居相近同在吳門步履過

反矐目篇壽西莊七十

好書如好色遇輒與目成當其悅心處不減對傾城所
以耽文史亦名爲書淫淫則必有罰咎惟兩目任先生
探浩博萬卷羅縱橫畫竭一線屠宵燼五寸檠有如訪
佳麗欲遍姬姜羸乃招天公妬强奪雙青睛有花使霧

看無燭使夜行謂可示孽報陳編難披尋豈知旨其目
不能旨其心翻令收視中覃思益專精照幽慧燈明記
事胸珠明盍掩且射覆鏡聽兼卜聲遂比那律多冥觀
洞八瀛天公顧而笑困之乃益亨由來禁好色莫禁相
思情還他正法眼炳燭追荀卿拔釘滓速去刮饒翳弗
縈依然兩清臚秋水光盈盈朱艷消永日黃嬾娛深更
直至方瞳年巖電常晶熒

題漕使查映山侍御學書圖

捉襟太好奇濡頭亦作顛惟有雅人致含毫意邈然先
生金閨彥臨池數十年絹必書始染硯因磨欲穿古香
寶晉墨重價收唐箋卓然自成家健筆凌雲烟宮榜屬

韋誕殿壁資誠懸虛懷乃自下猥曰願學焉作圖寄清
興白描倩龍眠疎梧蔭高齋揮翰何翩翩八幅百丈勢
雙腕千鈞權想見心手調神行貫中邊擁節來揚州行
臺依老禪令肅政多暇楷法彌精專丐書戶屢滿不取
潤筆錢一笑公清絕筦漕百萬船翻寫乞米帖佳話良
可傳

鰕簾四十韻

海上奇聞過瑞鯨鰕鬚數尺可爲簾鞠躬曾仿漁翁釣
借日常爲水母規趯躍蝨身無兩翅屈伸螳臂有雙鉗
搓杆芒刺森頭角戈戟鋒稜在鼻尖玉德名從樽俎錫
冰精肉耐酒醯醃味鮮已擅調羹獨軀壯還堪製器兼

燃作燭籠輝。低室鑲成杯。盞入香匳斯。皆取用憑空殼。
未及搜材到。美髯蝟磔。英姿爲世出。抵根勇力肯身潛。
長髻宛似揚旌旆。剛鬚寧徒佐金鬻。高出一頭標蠹蠹。
苗從雙頰奮髭鬚。鬚眉豈慕奇男表。頤頤曾聞贅壻嫌。
粗未成竿晴浪曝。細堪作線綺牕拈。遂煩惱緯成懸箔。
不用斑筠掛畫檐。將處本無纏以帛。拔來豈惜痛如砭。
縱橫入扣規棋。郵疎密成行。結綵綾織。豈蛩娘機軋軋。
編應螺女手。摻摻卷舒軟。恰隨犀軸條。縷分如界象。籤
方幅。鮫綃雲霧薄。圓空蛛網蝶蜂粘。障他下界飛塵泡。
捲去西山過雨籤。晝靜香常籠寶鴨。夜明光欲奪銀蟾。
細逾晶髮能延照。潔比冰絲好粹炎。最喜通明觀若火。

只難藏醜隱無鹽草痕映入風仍隔花影移來露不濡
何必蚌珠穿作幌漫勞魚錦繡成帘題詩聊當紗籠碧
養目微輸皂幃點雨濺似涵腥氣濕風搖仍漾水紋恬
貢從龍國途何遠購自雞林價不廉玳瑁梁歸妨舞燕
琉璃壁逗誤飛蟣多髭女面勞千鐸有縫天衣貴萬縑
紅玉筍同工製作紫絲幃且遜觀瞻押來銀蒜禁風剪
掛起金鈎對月鐮掩映芙蓉宜綺閣低垂楊柳笑窮閭
玲瓏合護妝臺李寂寞寧依卜肆嚴蔽席門憐編翠篠
織蘆人愧緝蒼兼五紋繡枉誇雲幔四望車空炫錦幘
迴憶奮鯁遊浩蕩何如作笛出沉淹取材翹肖真成巧
得氣于思不用謙功賽麟臺精組織珍逾蚊睫繅修纖

樓玉宇高懸處朗映曠曠曉日遲

滁陽王廟

英雄奮草昧其始必有藉子興起濠州烏合本無賴養
女得贅婿真主乃帳下豈擅呂公相已兆李淵射當時
羣雄中地小未敢霸身危德崖執勢弱均用跨庸知一
蹄涔神龍於此化因茲一旅師遂起莫華夏後嗣雖被
誅先資實曾借所以滁陽封不敢徐常亞後來恩澤延
猶及郭老舍事往四百年廟祀久已罷沉沉夥頤王父
老尚矜詫

清流關

峩峩清流關鑿翠孰椎斧一夫瞋目當可却萬貔虎天

險異人傑相遇出建豎南唐守壽春扼此作壘戶宿師
十五萬警脩嚴旂鼓北兵歌檀來嘽嘽如風雨夾馬有
真人先此試采阻交綬偶失利何以警淮浦西澗夜半
泗攀堞月未吐直擣郡治牙一劍落皇甫勝勢乘破竹
都監亦被擄堂堂兩大將一朝繫雙組遂盡淮南地畫
江作邊圉當時立奇勲戮力王事監豈知日後觀似自
拓疆土所以端命殿奕禩誌皇武開邊渡瀾滄得國承
杜宇事變萬不常固難一例數我來一經過陳迹久榛
莽時清無戍旗民晏各安堵山高而水深邈然坐懷古
大柳驛相傳爲趙韓王授徒處

館師封王齊博士後有宋相繼前軌大柳驛邊老學究

聚徒擁烏几身爲儒乃術不儒奇計居鄒智樗里
火輪小兒未爲帝勲名最是入滁偉首塗募得李左車
軍籌敬聽發蹤指滁州城西蘆子乳趣使潛度勿移晷
半夜遂成懸瓠摘膽落金陵東海鯉佐命功高自此基
帷幄參謀契魚水陳橋變後作首相十年前一村夫子
遇同卧龍岡下奇跡豈抱犢山人詭眷深不諱瓜子金
權重咸知鼎鑄耳半部曾論佐天下猶似不忘兔園紙
書味終淺機心深歷事兩君保終始金縢自明家相絨
荆圭竟擠介弟死嗚呼一代元勲勒太常千秋公論歸
青史磨盤山前訪遺迹門巷已非村落是惟有村童讀
書聲都都平丈喧不已

淝水

淝河百丈水湯湯千古南朝詫戰場空國而來驕必敗
背城能戰弱爲強枋頭宣武慚勲伐江左夷吾尙廟堂
贏得淮山閒草木也同旌旆氣飛揚

偏安累代保江濱豈意亡秦出異勲兵少幾同三戶弱
功多并許八公分時來裾屐皆英氣事往兵戈但舊聞
何處遙天聽鶴唳鵲鵲聲裏曉耕雲

黃梅驛遇雨

行盡潞山天宇空地名物候巧相同黃梅時節黃梅雨
正在黃梅驛路中

東林寺

柴桑南去訪禪關典午名藍尙此間賞菊有杯容入社
刻蓮爲漏記開山寺逾魯殿千年久門對匡廬萬仞間
偏是老僧諳故事殷勤送客虎溪灣

廬山紀遊

廣陵濤接潯陽濤夜夢五老來相招趣辦芒鞋青竹杖
要我去踏廬山高山靈此約意良厚那禁屨及室皇走
遊山不憚千里遙痴興古來亦罕有江西詩派江西人
大都少肉多骨筋廬山亦復犯此病青孱片片摩穹旻
要其靈秀有獨絕雲爲海綿瀑天紳必逢蘭若始一憩
不是遊山是遊寺四禪林乃各擅奇瞻雲秀峯
萬杉樓賢占盡泉聲
與嵐翠右軍墨池僅方塘昭明書臺亦已荒萬杉之杉

不_二百樓賢舍利黯不光寺貧僧亦少粲可蹟湮碑并
無宋唐惟有景光略不改銀河仍挂三石梁礪轟直與
霹靂門鼎沸不許蛟龍藏五老鬚眉更奇古昂精所化
頤而長見我裹糧踐宿諾似爲拱揖相低昂我來歷遍
諸方丈移步換形莫名狀輿夫十二健騾九如此遊山
太豪放當年李_{青蓮}白_{香山}歐陽蘇未必有此行色壯獨愧
前賢寂寞遊其人已往名長留未知今日扶筇叟可有
人傳趙倚樓

昭明讀書臺

儲宮愛讀書梁唐兩太子昭明文選樓舊在邗江浹亦
聞烏目山績學構潛邸匡廬有斯臺乃自昇元始景通

方毓德築館聚文史書懔障皂羅手植蓬萊紫後來踐
閏位猶念舊遊里賜田一千頃養僧一萬指空門豈無
情報國心共矢及聞金陵鬧勤王赴江汜誓將髡頭浴
欲救肉袒珣法和香火盟繼顯倉庾委舉事雖不成其
志實英偉是皆炳誌乘可溯臺緣起何年換蕭統翻作
不祧祀乃知流俗訛數典食以耳寺貧僧盡蠶世遠碑
莫紀鵲巢遂占鳩張冠竟戴李伍胥塑髭多韓愈繪髯
美傳不傳有命自古皆如此

題秀峰寺

卽古開先寺

所藏十王預修經圖并陀羅尼經

後

卷長二丈餘寫佛說十王預修經大威德熾盛

光陀羅尼經各一卷畫十二段爲陳觀音慶婦
人文殊連男陳慶福造康熙乙亥宋漫堂留貯
寺中惜書畫人俱無姓名不知爲何代物舊簽
題間立本地獄變相尤西堂跋則云宣和畫譜
朱絲有此圖疑出其手皆未足爲據也然圖像
詭異字畫瘦勁要非宋以後人所能余來遊寺
僧出以相示見同年謝蘊山有詩題於卷後因
用其韻

開先寺繞泉清泠樓貯預修陀羅經經書一段畫一幅
地獄變相無遺形陰司慘毒異人世見者汗下怖淚零
夜叉追魂步豎亥紂絕宮內多囚圖波吒何處暑聲沸

鬼膽已破遍體青鐵梳銅夾世罕睹火籠冰窖古未聆
倒身入臼搗作粉煮以油鑊血不腥皮消肉化已烏有
一靈知痛偏惺惺清風一吹形復聚仍來受苦鄴都庭
可憐七七到祥禪歷劫十二慘不寧生前作孽漏天網
至此始嘆閻羅靈竄跡難掀羯肌鉢藏身安得拘留瓶
畫師作圖有深意要令未死先懷刑更寫 經當棒喝
慈悲普喚夢魘醒惜哉竟不著名姓絹素僅喚古墨馨
翻令陳家兩母子藉之流傳千百齡綿津捨入祇洹皮
義取佛力通重冥畫精字好有神護天曹不敢攝六丁
我來展卷正遙夜寂無埃鼓但塔鈴蒲團頓悟解脫理
燈一盞光青熒

附原作

謝啟昆

禪堂五月風泠泠來觀畫圖兼寫經經寫兩卷共一
軸中幅畫現閻羅形雙樹涅槃聽說法人天郁伊交
涕零福如微塵孽如海十地黑風吹血腥金甌瑯瑞
雜怪枯夜叉獐獢紛拘囹亦有簿書逞鉤距旁列府
寺分宮庭大鐵圍山踰萬里琰魔使者無常刑恟恠
虛無出詭怪陰陽闢翕通精靈如是我聞經中說假
以圖像尤丁寧一圖一偈當棒喝想見濡毫甘露瓶
鬼神情狀太刻劃須防白晝追六丁婦人文殊男慶
福一家頂禮祈寧馨

卷末云願聖錫蓮生之福子習辨於羣材

作者惜不著名姓

空留翰墨兼丹青綿津山人亦觀化留贈心公幾百

密披圖能使髮毛豎誦經更令心骨醒此經不同投
秘藏語言文字歸窈冥此圖不用辨唐宋慧眼淨析
常惺惺地獄豈爲我輩設聖諦難與凡人聆世界閻
浮泡上影三生夜語風中鈴卷軸歛函雨花散但見
古佛燈熒熒

棲賢寺瀑布

開先瀑布寺中棲賢瀑布寺外寺內得擅奇寺外難稱最豈
知萬斛泉束以二仞滄迫繞寺門前衆練絞一帶憤盈
莫可遏無鬼亦作怪雄雷不蟄泥跳入此急瀨咆勃起
吼聲震破乖龍瞋年久石被嚙似切昆刀快陷深遂成
槽如信水力大一落忽萬丈澄淵歛碎迸溢山復洶洶

勢仍怒裂毗峽橋來夾之勝下使出界羞忿不回顧一
去駛莫搯咄哉信奇觀流遠力弗鍛迴瞻三石梁銀河
百丈掛彼乃跌自高此則噴於隘

夜宿棲賢寺

一宿招提迥山空夜更清餐分僧粥淡光借佛燈明呼
吸總雲氣夢魂猶瀑聲人間惟此境寂寞少人爭
到此絕塵慮兼忘陟險勞不眠同佛醒無語覺僧高月
影空庭藻松聲半嶺濤清遊恐難再題壁一揮毫

白鹿洞書院

鹿洞古書院南唐所有賢號廬山國學養士有賜田堂
堂朱助教鼓篋勤陶甄盧絳蒯鼇輩三害悉改愆

見陸游
南唐書

蘇翁守南康踵舊開講筵道學一以振朗日行中天名
蹟遂獨擅胥忘保大年嗚呼後居上創者轉就湮書臺
百尺基旣被昭明遷書院千間厦又爲朱子專一笑李
中主身後太可憐

王文成公紀功碑

粵西歸德峽見公摩崖名

平田州所刻

今讀廬山碑駿烈彌崢

嶸維時變猝起稱戈出宗盟殺吏據都會欲徑趨陪京
公在震隣中羽檄張虛聲使之遲疑間下游皆守城迨
賊沸脣出急搗巢穴傾攻其所必救邀之於歸程鄱湖
水流血樵舍風偃旌遂令老劉渙一戰縻長纓倖茂儒
者績討逆談笑成所率皆文吏所用皆民兵滔天禍變

劇一月手削平亂同張方壘功逾亞夫營嗚呼豈異人
公亦一書生

岳母墓

岳侯茲負土千載塚嶙峋好母生賢子忠君卽孝親棲
霞翻裏席防墓幸鐫珉應慰劬勞意祠官尙薦蘋問之寺僧今尙
祭于官

剝皮山

鄱湖旁一山皆積沙所成不生草木如物之去
皮而無毛者土人呼爲剝皮山相傳明太祖追
陳友諒至此友諒忽不見得逸去明祖怒山之
底奸故褫其皮云語極無稽然可資笑端也爰

演爲詩

寸草全無山骨露皮之不存毛焉附傳是蒙茸曾底奸
剝之出自真主怒古來殺機深多有法外刑冤句春磨
寨粵漢刀劍林牽機腸絞李煜斷夾板腰鋸孫揆擒剝
皮之法獨未有阿合馬曾憤兩口明祖用之殺貪吏剝
皮場開縣門首後來或踵事慘毒試亦偶揅草狀行屍
蒙鼓誌獲醜要只誅人不誅山山豈有皮如虎斑縱遣
庖丁批竅卻新礪亦恐奏技艱胡爲臂无膚兮頭寡髮
爲破面鬼無容顏未得麻姑搔背快翻如那吒拆肉還
孫臍削來竟夜白劉邕啖後遍體殷得非典王威令赫
五丁六甲齊助難草菅文叔渡滌沱無船冰卽凍婆留

照石鏡崖壁悚而動蒙哥征欽察海澗聽騎縱皆祇應
運效一時運過百神未必奉勝國版圖今久革嶽鎮寧
猶受屬役何妨迴枯再生稊乃竟噓乾永作腊幾同巨
靈劈華終古分不數秦皇赭山至今赤噫嘻乎齊東野
語原無稽姑妄言之妄聽之一笑髡黥不毛地何時樹
鬢兼藝眉

廬山雜詩

二十年前過九江未曾廬阜躡飛淙那知未了清緣在
垂老來償展一雙

小橋流水路橫斜野草茸茸滿路花盡日山行無斥堠
有田疇處有人家

榆柳陰森綠滿途秧歌聲裏鶉鳩呼牛宮豕棚俱污濁
一八山家總畫圖

一重一掩隔紅塵深入方知景色新山外何由見真面
東坡調語究欺人

巨壚擅勝瀑流多百丈飛泉注急坡却怪古人眼孔小
一衣帶水詫銀河

崖壁鐫詩費斧椎欲憑貞石姓名垂誰知雨打風摧久
也作模糊沒字碑

流出山來便不還何妨小住保清潺可憐三峽橋邊水
日夜喧驚要出山

留帶山門結淨緣

寶賢寺有石刻宋
大中丞留帶處

佛家終仗布施錢綿津

去後無人管三兩殘僧自種田

歸途連日大雨

沒髀泥深跋涉勞歸途淫雨又風濤
僮奴竊笑老何苦只爲遊山興太高

庾樓

危欄瞰無地千載庾公樓吳楚天南界
江山國上游已無塵汚面尚有月當頭
想見賓僚譙新亭笑楚囚

九江宿能仁寺

能仁寶刹古禪宗客過潯陽一倚筇
塵外茶瓜天六月雲端金碧殿三重
匡廬爽氣分朝檻湓浦濤聲撼暮鐘
恰比浮屠不三宿雪鴻兩夕記游踪

往還各住一宵

橋公墓

累朝耆舊未流中想見羣倫仰下風
生有隻雞留戲笑死猶兩女嫁英雄
識同許劭能評士名比康成並號公
荒塚已無人腹痛亂鴉古木夕陽紅

舒城有感於周公瑾道南推宅事

一見心相許交深意氣中
霸圖初草創年少兩英雄
名已君臣定情真骨肉同道南
何處宅千載想遺風

題洪建侯梅花小照

梅花遇何郎格韻正相肖
如何孤山翁衰醜強索笑
欲恃橫斜句來作鏡臺嶠
老夫聘女妻梅花未必要
花今獨何幸相賞得英妙
景虛玉雪人清才擅年少
姿與花

同潔氣與花並傲來爲花作主千株靜延眺豐貂製鶴
輦陋彼驢背嘯潑墨南宮山烹雪東坡銚坐令花增榮
絕勝紅羅幃花亦慶所遭珠蕊朗四照一笑問梅花幾
生修得到

壽晉生郡博五十初度

婁東古學有遙津一瓣香傳著述身早歲便成名進士
中年漸作老詩人門因問字常多客壁可分光肯借隣
拙刻數種
皆君訂正黃菊正催新釀熟爲君醞酒祝長春

通籍先辭作吏緣一官甘就廣文壇已無賒願騎揚鶴
曾有遊踪訪蜀鵲曾作
蜀鵲吟稿歲增詩一寸購書日損俸千
錢錦江春色邗江月總與先生琢句傳

春間陪西莊於吳門因其兩目皆盲歸作反矐目
篇祝其再明詩成尙未寄秋初接來書知目疾
竟已霍然能觀書作字鄙人不禁沾沾自喜竊
攘爲拙詩頌禱之功再作詩以貽之西莊當更
開笑眼也

七發能起病一檄可愈風少陵咏髑髏瘡鬼避血紅彼
皆待披讀始祛劇疾攻豈如鄙人詩祝公明雙瞳詩成
未及寄公已豁霧縈捷於灰飛管驗若霜鳴鐘婆羅門
善呪無此大神通道士拜赤章枉費斗檢封一笑呂子
明果非舊阿蒙自茲正法眼巖電逾昭融目力所透處
墻壁洞幾重撮蚤易拾芥懸蠶便引弓不畏騎瞎馬仍

堪數飛鴻字毋煩手摸花詎愁霧籠重翻插架書快比
故舊逢生平未定稿戢戢束萬筒

時方排纂
鐵釘筒

蠅頭積細碎

牛毛散氈氈挑燈自排纂縷縷入紀綱訂訛矇奕叟指
迷瞽導童遂使天下目障翳盡掃空人呼照天燭自喜
磨鏡銅得不歸功我一詩挽化工公方開壽讌廣坐笑
眼同速演玲瓏曲滿酌玻瓈鍾待余來稱祝敬酬刳膜
功

賀錢竹初移新居有林壑之勝

精舍頻年構始完移居人比葛洪看城無山水堪攜杖
家有林巒值掛冠別墅王維經一卷小園庾信竹三竿
知君自寫胸中稿付與工師築考槃

君擅
繪事

十笏香嚴結淨緣養閒難得是中年草堂將寫和司諫
州宅堪誇白樂天絲竹內應隨處設畫詩書總後來傳
家門本占蓬瀛籍君拾天仙作地仙

令兄文敏公
乙丑殿撰